

## **Rom**

### **Rom niŋ Yesuyen alya bereya hitte Pol beleş asaŋ kayyiŋ**

<sup>1</sup> Nebe Pol, Yesu Kristuyen meten al. Al Kurun beleş meremiŋ igiŋ Yesu niŋ yitiŋ goyen tagal tagal niŋ ten ne gayen basiŋa nirde Yesuyen mere basaŋ al aposel niryiŋ. <sup>2</sup> Be, mere igiŋ Yesu niŋ yitiŋ gobe Yesu megen gar ma wakeya bikkeŋ wor po Al Kurun beleş Urmiŋ goke biŋa ten mere basaŋ marmiŋ porofet yinke Al Kurunyen asaŋ wukkeŋ wor po bana goŋ kayamiŋ go goyen. <sup>3</sup> Al Kurun Urmiŋ al hiriŋ gobe Israel marte doyaŋ al kurun Dewityen miŋde mat forok yiriŋ. <sup>4</sup> Goyenbe Al Kurun beleş Holi Spirityen tareŋde al goyen kamtiŋde mat isaŋ hekeb yeŋbe Al Kurun Urmiŋ goyen kawan wor po hiriŋ. Yeŋbe Yesu Kristu nende Doyaŋ Al Kurun. <sup>5</sup> Urmiŋ meten tiyyiŋ goke tenbe neya meten kadne yagoya gayen Al Kurun beleş bunineŋ dirde igiŋ igiŋ dirde aposelmiŋ diryiŋ. Go diryiŋ gobe Urmiŋ goke ten Yuda mar moŋ al miŋ hoyan kurun goyen hitte tagalde tukun hitekeb yeŋ ge dufaymiŋ tareŋ irde meremiŋ gama irde hinayiŋ yeŋbe gogo aposelmiŋ diryiŋ. <sup>6</sup> Deŋ wor al miŋ hoyan Yuda mar moŋ bana mat hoy dirtiŋ geb, Yesu Kristuyen yufukde haŋ mar hitiŋ haŋ.

<sup>7</sup> Niŋgeb asaŋ gabe deŋ Rom niŋ alya bereya tumŋaŋ Al Kurun beleş bubulkuŋne wor po yeŋ

nurd dunenbe, “Nere kudiñen henayin,” yeñ hoy diryinj goke asañ gago kañ hime.

Adoniniñ Al Kurunya Doyañ Al Kurun Yesu Kristuya belen buniñen dirde iginj iginj dirdeb bitinj yisikamke iginj po hiwon yeñ nurde hime.

*Polbe Rom nin mar yenmewoñ wor po yeñ nuryinj*

<sup>8</sup> Be, asañ kañ hime gayen bana mere mehenđe wor po momoñ direñ tihim gobe gahade: deñ belen Yesu Kristu nin dufaytin sañin irtin hañ gote mere momoñtinbe megen kurun gayen ep heñ tukun hi. Niñgeb nebe matatin goke Al Kurun iginj wor po nurd unen himyen. Go teñ himyen gobe Yesu Kristu belen farañ nurkeb gogo teñ himyen. <sup>9-10</sup> Fudinde, Al Kurun gusunañ irde henya hugiñen deñ ge bene sir ma yeñ hiyen gobe Al Kurun wor fudinde yeñ nurde hi. Al Kurun nin meten teñ hime gabe bener mat fudinde wor po mere iginj Urmin goke yitin goyen tagalde tukun himyen. Irde deñ hitte kun kun nin kurut yeñ himyen gega, go ma kun dinmirin geb, gayenterbe Al Kurunyen dufayde kenem deñ hitte kun kun nin belen kerd nunwoñ yeñ nurde gusunañ irde hime.

<sup>11</sup> Fudinde, nebe deñ goyen Holi Spirityen tarenđe mata forok yird yird gote taren nuntin goyen kura dunmeke sañin hewoñ yeñ nurdeb deñ hitte kun dentek wor po nurde hime.

<sup>12</sup> Gogab denya neya tumnañ henbe ne belen Yesu nin dufayne taren irde himyen goyen deñ belen nenenbe taren henayin, irde ne wor deñ dufaytin Yesu nin sañin irtin goyen denenbe taren hewen.

<sup>13</sup> Goyenbe, kadne yago, nebe den hitte kuṅ dene yeṅ wawuṅ budamde kurut yeṅ himyen gega, belēṅ miṅmoṅ wor po nirde hike waṅ waṅ gago hihi goyen nurwoṅ yeṅ nurde hime. Nebe al miṅ hoyāṅ Yuda mar moṅ naṅa hoyānde haṅ mar hitte kuṅ metēṅ teṅ gote igineṅ yawarde hinhem gwahade goyen po, den hitte wor kuṅ metēṅ teṅ gote igineṅ yawarmewoṅ yeṅbe gogo den hitte kuṅ kuṅ niṅ kurut yeṅ himyen.

<sup>14</sup> Be, nebe Grik marya\* al miṅ hoyāṅ Grik mar moṅya hitte kuṅ metēṅ teṅ teṅ gobe bada hetek epte moṅ, metēṅ go titek po hime. Irde al dufaymiṅ wukkeṅ ma dufaymiṅ wukkeṅ moṅ goke metēṅ teṅ hayiṅ ninyiṅ geb, goyen goke manaṅ metēṅ teṅ hitēṅ po himyen. <sup>15</sup> Gwahade niṅgeb den Rom niṅ mar hitte wor kuṅ Yesu niṅ yitiṅ mere igiṅ goyen tagaltek wor po nirde hi.

<sup>16</sup> Fudinde, Yesu niṅ yitiṅ mere gobe Al Kurunyen tareṅ geb, al kura mere go fudinde yeṅ nurde gama irde haṅ mar goyen igiṅ Al Kurun hitte yumulgaṅ titek hi. Yumulgaṅ tiyyēṅ mar goyen meheṅdebe Yuda mar wa yawaryēṅ, irde gab Yuda mar moṅ al miṅ hoyāṅbe kame yawaryēṅ. Niṅgeb goke teṅbe Yesu niṅ yitiṅ mere igiṅ tagal tagal niṅ memya ma heṅ hime.

<sup>17</sup> Al Kurun belēṅ Yesu niṅ yitiṅ mere goyen hende huwardeb yiṅgeṅ diliṅde al huwak heṅ heṅ belēṅ goyen kawan forok irde hi geb, mere igiṅ gobe Al Kurunyen saṅiṅ diniṅ hime gago. Al

---

\* **1:14:** Grik marbe megen niṅ alyen saba karkuwaṅ yawartiṅ mar yeṅ nurde yuneṅ hanyen. Munāṅ al miṅ hoyāṅbe gwahade yawartiṅ mar moṅ yeṅ nurd yuneṅ hanyen.

Kuruṅbe al kura Yesu niṅ dufaymiṅ tareṅ irde hinayiṅ mar go po gab al huwak yeṅ yinyeṅ. Al huwak heṅ heṅ beleṅ hoyanbe hubu wor po. Niṅgeb goke Al Kuruṅyen asanḁe gahade katiṅ hi: “Al kura Al Kuruṅ niṅ dufaymiṅ tareṅ irke Al Kuruṅ beleṅ al huwak yeṅ kinyeṅ al gobe Al Kuruṅya hugiṅeṅ hiriryen,” yitiṅ hi.  
*Habakuk 2:4*

*Al Kuruṅbe alyen mata buluṅ goke biṅ ar yeṅ hiyen*

<sup>18</sup> Goyenpoga megen niṅ alya bereyabe Al Kuruṅ palap irtek mata ma teṅ mata buluṅ po teṅ haṅ. Go mar gobe mata buluṅ teṅbe Al Kuruṅyen mere fudinde goyen pel irde hanḁen. Goke teṅbe Al Kuruṅ saṅiṅmiṅ kuruṅ wor po gore beararmiṅ yikala yirde hiyen. <sup>19</sup> Al Kuruṅbe al gwahade yeṅ al beleṅ keneṅ bebak tinayiṅ yeṅbe kawan po yikala yirtiṅ geb, al beleṅ Al Kuruṅbe gwahade yeṅ keṅkela nurd untek po hanḁen. <sup>20</sup> Al Kuruṅyen mataya tareṅmiṅ hubu ma hetek goya gobe al diliṅde epte ma yeneṅ bebak titek. Goyenpoga det Al Kuruṅ beleṅ yirtiṅ goyen yeneṅbe matamiṅya tareṅmiṅya gobe gwahade yeṅ bebak titek. Niṅgeb al kura beleṅ epte ma, “Nebe Al Kuruṅ ma nurde uneṅ hime,” yiyyeṅ.

<sup>21</sup> Al beleṅ Al Kuruṅbe al gwahade yeṅ nurde hinhan gega, yeṅbe Al Kuruṅ yeṅ deṅem turṅuṅ yaṅ ma irde, igiṅ nurd uneṅ uneṅ mata ma teṅ hinhan. Dufaymiṅ gote igineṅbe hubu wor po. Dufaymiṅbe kukuwamṅeṅ wor po geb, kidoma bana haṅ yara Al Kuruṅyen mere fudinde goyen epte ma bebak titek hinhan. <sup>22</sup> Mel gobe dufay

wukkekniniŋ yaŋ yeŋ hinhan gega, kukuwa po heŋ hinhan. <sup>23</sup> Irdeb Al Kuruŋ gwahader hitiŋ goyen deŋem turuŋ yaŋ irtiŋeŋbe harhok uney al yiŋgeŋ haninŋe det toneŋ yirtiŋ kame hubu hetek goyen Al Kuruŋniniŋ yeŋ turuŋ yirde hinhan. Det toneŋ yirde hinhan gobe al, nu, dapŋa, irde det megen gargar kuŋ hitiŋ gote toneŋ yirde doloŋ yirde hinhan.

<sup>24</sup> Niŋgeb Al Kuruŋ beleŋ matamiŋ goke yeneŋ unay tikeb dufaymiŋ buluŋ go po gama irde mata buluŋ kuruŋ po teŋ hinhan. Gwaha yirkeb megen niŋ mata buluŋ titek dufaymiŋ go po gama irde leplep mata teŋ yiŋgeŋ goyen buluŋ wor po yirde hinhan. <sup>25</sup> Mel gobe Al Kuruŋyem mere fudinde goyen gama irtiŋeŋbe usi mere gama irde hinhan. Irde Al Kuruŋ, det kuruŋ gayen yiryiŋ al goyen doloŋ irde yeŋ ge metey titŋeŋbe yeŋ beleŋ yiryiŋ det goyen yade doloŋ yirde goke metey teŋ hinhan. Goyenbe hugiŋeŋ turuŋ irtek albe Al Kuruŋ, yeŋ unjkuren po. Fudinde wor po.

<sup>26</sup> Be, mel gobe mata gwahade teŋ hinhan geb, gogo Al Kuruŋ beleŋ yubul tike mata memyak teŋ teŋ dufay beleŋ po haga yuryiŋ. Gwaha yirkeb berebe un yagoya uliŋ gabu ird ird belŋeŋ wor po goyen tubul teŋbe bere yiŋgeŋ uliŋ sikkeŋ gabu yirde hinhan. <sup>27</sup> Gwahade goyen po, al diriŋ wor berem yagoya uliŋ gabu ird ird belŋeŋ fudinde goyen tubul teŋbe al yiŋgeŋ uliŋ sikkeŋ gabu ird ird niŋ po pultik yeŋ hinhan. Al yiŋgeŋ uliŋ mata buluŋ mormok memyak wor po goyen teŋ heŋbe gote muruŋgem buluŋ wor po gobe bikkeŋ tamiŋyen hinhan.

<sup>28</sup> Goyenbe go po moŋ. Albe Al Kurunj nurd unenj unenj niŋ igiŋ ma nurde hinhan geb, yeŋ belej yubul tike yiŋgeŋde dufay bulunj go po gama irde mata bulunj Al Kurunj belej bisam irtiŋ goyen teŋ hinhan. <sup>29</sup> Be, gwaha teŋ hike biŋdebe mata huwak monya mata bulunya det ugunj po yad yad niŋ po dufay heŋ heŋ matayabe dufay bulunya kurayen kurayen gore po maŋiŋ hitiŋ hinhan. Irde kadom igiŋ mat hike yeneŋbe danij neŋ gwahade moŋ yeŋ nurd nurd mata, al gasa yirke kamde kamde mata, fulenja mata, al usi yird yird mata, al bulunj yird yird mataya al yiya yird yird matayabe kurunj wor po. <sup>30</sup> Go mar gobe mere bulunj mat teŋ teŋ mata, Al Kurunj niŋ igiŋ ma nurd unenj unenj mata, parpar mata, neŋ nurhet nurhet matayabe, yiŋgeŋ ge turunj turunj teŋ teŋ mataya teŋ hinhan. Irde mata bulunj tiŋeŋ yiŋgeŋ forok yirde hinhan. Irdeb miliŋya naninyat mere ma nurde hinhan. <sup>31</sup> Go mar gobe dufay igiŋ miŋmoŋ, irde mere kura teŋ go ma gama ird ird mata, al hoyan niŋ amanenj ma nurd nurd matayabe, al hoyan bunijenj nurd yunenj yunenj matabe hubu wor po. <sup>32</sup> Mata go teŋ han marbe Al Kurunj belej gasa yirke kamnayiŋ yeŋ Al Kurunyen saba saŋiŋ huwak wor po goyenter yitiŋ gobe nurde hanjen gega, mata bulunj go teŋ teŋ niŋ bada ma heŋ hanjen. Goyenbe go po moŋ. Mel gobe al kura diliŋde mata goyen teŋ hike yeneŋbe, “Mata igiŋ tahaŋ,” yinenj turunj yirde hanjen.

*Mata bulun marbe Al Kurun beley merem yan yiryen*

<sup>1</sup> Ningeb den megen nin marbe mata buluninin ga mon yen kadtiñde mata kura yenen goke tagal yunen han gobe igin ma ten han. Kadtiñde mata goke yen han gobe dindiken wor mata bulun gwahade po ten han geb, meretin goreb dindiken goyen po merem yan dirde hi. <sup>2</sup> Al Kurun beley mata gwahade ten han mar goyen merem yan yiryen gobe mali mali ma yiryen, mata bulunmin goyen kenkela bebak yirdeb merem yan yiryen yen nurde hite. <sup>3</sup> Ningeb den megen nin mar beley al kura mata bulun tikeb goke tagalde hanyen gega, den wor mata bulun goyen ten hanyen kenem Al Kurun beley matatin goke merem yan ma diryen yen nurde han? <sup>4</sup> Irde Al Kurun beley igin igin dirke mata bulunin yubul ten Al Kurun nin bitin mulgan hamin goyen bebak ma ten han? Ningeb yen beley igin igin dirde mata bulunin goke aranen ma merem yan dirdeb bitin mulgan hewon yen doyan hen hen ge pinen ma hen hiyen goyen det dirnen yen nurde han?

<sup>5</sup> Goyenpoga denbe tonantin taren wor po, irde mata bulunin yubul ten Al Kurun nin bitin mulgan hetek dufay ma hen han geb, mata bulun ten teban ten hikeb mata bulunin kurun wor po hen hi. Gwaha ten hike kun kun nalu funan forok yekeb Al Kurun beley mata bulunin kurun goke bearar ten goke merem yan wor po diryen. Yen beley merem yan diryen gobe huwak mat diryen geb, al kura beley goke danin gwaha taha intek

mon. <sup>6</sup> Al Kurunbe megen niñ alya bereya kurun gayen matamin dahade tej hitiñ gobe murun gem wor gwahade po yunyen. <sup>7</sup> Al kura huginen mata igin po tej henya Al Kurun denem turun yan irde palap irde yenya huginen hiwon yenbe gwahade hen hen belen niñ nankenen han marbe Al Kurun belen yingenya huginen hen hen mata goyen yunyen. <sup>8</sup> Gega al kura yingen ge po nurde han marya Al Kurunyen mere fudinde pel irde mata bulun po gama irde han maryabe Al Kurunyen bearar bana po hen gote murun gem bulun wor po tenayin. <sup>9</sup> Ningeb al kura Al Kurun dilinde mata bulun tej han marbe tumnan kanduk kurun bana hen bin misin wor po nurde hinayin. Mata gwahade gobe Yuda mar hitte forok yiyyen, irde Grik mar hitte wor forok yiyyen. <sup>10</sup> Munan al kura Al Kurun dilinde mata igin tej han marbe tumnan Al Kurun belen denem turun yan yirde, turun yirde, bin yisikamke igin po hinayin. Mata gwahade gobe Yuda mar hitte forok yiyyen, irde Grik mar hitte wor forok yiyyen. <sup>11</sup> Al Kurunbe al min kura po igin yirde al min hoyanbe bulun yirde ma tej hiyen geb, gogo al tumnan hitte gwahade po forok iryen.

<sup>12</sup> Be, Yuda mar mon al min hoyan Moseyen saba ma nurdeya ga mata bulun tej han marbe Al Kurun belen gwamun yuryen gega, Moseyen saba go hende ma huwarde gwamun yuryen. Munan Yuda mar, Moseyen saba nurdeya ga mata bulun tej han marbe Moseyen saba go hende huwarde merem yan yiryen. <sup>13</sup> Gobe Moseyen saba dulin nurde han marbe Al Kurun dilinde huwak mon,



munaŋ saba goyen nurde gama irde haŋ marbe al huwak yeŋ yinyeŋ geb, gago dineŋ hime. <sup>14</sup> Be, al miŋ hoyaŋ Yuda mar moŋ Moseyen saba go ma nurde haŋ mar kurabe ma nurde henya saba goyen gama irde haŋyen. Al gwahade gobe yiŋgeŋ Moseyen saba goyen nurtiŋ yara geb, Moseyen sabare mata gwaha gwaha teŋ hinayiŋ yitiŋ goyen biŋde po pul yeke gama irde haŋyen. <sup>15</sup> Go teŋ haŋ gobe mel gore ma nurde hikeya biŋ bana Moseyen saba goyen kirtiŋ yara haŋ goyen dikala dirde haŋ. Irde mata buluŋ niŋbe biŋde mat buluŋ yeŋ nurde haŋ, munaŋ mata igiŋ niŋbe igiŋ yeŋ nurde haŋ. <sup>16</sup> Be, Al Kuruŋ beleŋ al merem yaŋ yird yird gobe nalu funaŋde forok yiyyeŋ. Go nalurebe Al Kuruŋ beleŋ Yesu Kristu inke alyen dufay buluŋ banare hitiŋ goyen kawan yirde goke merem yaŋ yiryen. Yesu niŋ yitiŋ mere igiŋ ne beleŋ tagalde himyen gore mere gayen kawan po dikala dirde hi.

### *Yuda marya Moseyen sabaya*

<sup>17</sup> Be, deŋ haŋ bana goyen al kura beleŋ, “Neŋbe Yuda mar. Irde Al Kuruŋ beleŋ saba Mose unyiŋ goyen keŋkela gama irde hityen geb, neŋ po gab Al Kurunya awalikde hite,” yeŋ yiŋgeŋ ge turuŋ turuŋ teŋ haŋyen. <sup>18</sup> Go mar goreb, “Neŋbe Al Kurunyaŋ dufay keneŋ bebak teŋ hityen. Irde Moseyen saba gama irde igiŋ mat po mata teŋ hityen geb, damiŋbe igiŋ munaŋ damiŋbe buluŋ goyen keŋkela bebak teŋ hityen,” yeŋ haŋyen. <sup>19</sup> Irdeb, “Neŋbe al kura diliŋ titmiŋ yara Al Kuruŋ nurde uneŋ uneŋ beleŋ ma keneŋ haŋ mar goyen beleŋ yikala yirde hityen. Irde mata buluŋ

gote kidoma bana hañ mar gote hulsi yara henbe Al Kurunyen mere kenkela bebak yirde hityen,” yen hañyen. <sup>20</sup> Irde Moseyen saba bana mere fudinde gobe nurd pasi hitiñ yen nurdeb, “Al dufaymiñ kukuwamñeñ marte mata sope irde, al kura diriñ kalak yara Al Kurunyen mata kenkela ma bebak teñ hañ mar goyen saba fudinde yirde hityen,” yen hañyen.

<sup>21</sup> Goyenpoga den gwahade nurde al hoyañ saba yirde hañ marbe dahade niñgeb dindikenbe sabatiñ goyen gama ma yirde hañ? Al hoyañbe kawe ma teñ hinayiñ yineñ hañ gega, dindikenbe daniñ kawe teñ hañ? <sup>22</sup> Den beñ al hoyañbe, “Al berem yanbe bere hoyanya duwan teñ teñ mata ma teñ hinayiñ,” yineñ hañ gega, denbe go mata goyen teñ hañ. Irde det toneñ yirtiñ goyen doloñ yird yird matamiñ goke buluñ wor po nurd yuneñ hañ gega, daniñ geb det toneñ doloñ yird yird gasuñde kuñ detmiñ kawe teñ hañ? <sup>23</sup> Denbe Moseyen saba nurde hañ go muñ goke turuñ turuñ teñ hañ gega, sabamiñ goyen pel irde mata buluñ teñ hañ goreb Al Kurunyen denem buluñ irde hañ. <sup>24</sup> Den Yuda marte mata gokeb Al Kurunyen asañde gahade katiñ hi: “Den gore mata buluñ tikeb al miñ hoyañ Yuda mar moñ beñ denenbe Al Kurunñ nanyañ irde hañ,” yitiñ.

<sup>25</sup> Be, den beñ Moseyen saba kenkela gama irde hañ kenem guba yen yen mata gobe miñ miñyan hiyyeñ. Goyenpoga sabamiñ go walde hañ kenem guba yitiñ hañ gobe miñ miñmoñ heñ al miñ hoyañ Yuda mar moñ yara henayiñ.

<sup>26</sup> Gega al miñ hoyañ Yuda mar moñ gore Moseyen saba keñkela gama irde hinayin kenem mel gobe guba ma yitiñ gega, Al Kurun diliñdebe guba yitiñ yara henayin. <sup>27</sup> Niñgeb al miñ hoyañ Yuda mar moñ guba ma yitiñ goreb Moseyen saba keñkela gama irde hinayin gobe go mar goreb den Yuda mar Moseyen saba keñkela nurtiñ irde guba yitiñ gega saba pel irde hañ mar goyen kame Al Kurun diliñde huwarde merem yañ dirnayin.

<sup>28</sup> Fudinde, al kura Yuda marte mata gama irdeb uliñde po Yuda mar al hiyyen, goyenpoga Al Kurun diliñdebe Yuda mar al fudinde ma hiyyen. Uliñde po guba yiyyenbe epte ma Yuda mar al fudinde hiyyen. <sup>29</sup> Niñgeb al kura biñde mat wor po Al Kurun nurd unen hañ mar go po gab Yuda mar fudinde wor po. Irde Al Kurun diliñde guba yen yen mata fudindebe duliñ Moseyen saba hende hendem po gama irde sisihik walde hinayin gogo moñ. Guba yen yen mata fudindebe Holi Spirit belen al biñde dufayya mataya gergen yiryen gogo. Al gwahade gobe al megen niñ belen ma turun yirnayin. Al Kurun belen po gab turun yirde hiyen.

### 3

#### *Al Kurunyen mata huwak*

<sup>1</sup> Be, Yuda marbe gwahade geb Yuda mar al hen hen gote iginenbe dahade? Irde guba yen Yuda mar henayin gote iginen iginbe dahade go goyen tenayin? <sup>2</sup> Fudinde, Yuda mar hittebe det igin budam hañ. Goyenbe det igin budam hañ bana

goyen det kurun wor pobe Al Kurun belen Yuda mar goyen basin ja yirdeb meremin yunyin gogo.

<sup>3</sup> Goyenpoga Yuda mar kurabe Al Kurun belen meremin yunyin goyen binde mat fudinde yen ma nurdeb gama ma iramin. Gwahade ningeb mel gote matamin goke Al Kurun belen igin ma nurdeb bikken mel goke bin tiyyin goyen walyen? <sup>4</sup> Epte mon wor po. Megen nin marbe gwaha gwaha titek yen bin ten hanjen goyen ma gama irde usi po ten hanjen gega, Al Kurunbe mere tenbe goyen po gama irde hiyen. Ningeb goke tenbe Al Kurunjen asande gahade katin hi:

“Doyan Al Kurun, ge belen merere huwarde mere tikeb mata huwakge kawan hiyyen,  
irde al kura belen usi tiya gintek ma hayin,”  
yitin. *Tikin 51:4*

<sup>5</sup> Goyenbe megen nin marte matare gaha yewen geb, mere gabe igin ma bulun goyen dufay henan ko. Mere gobe gahade: Al Kurunbe al huwak wor po goyen nende mata bulun belen kawan wor po irde hi kenem goke daha yetek? “Danin mata buluninin goke Al Kurun belen bearar tenbe gote murungem bulun dunen hi? Gobe igin ma tiya!” yetek? <sup>6</sup> Mon, epte ma gwaha yetek! Munan mere goyen fudinde manhan megen nin marte mata bulun gote murungembe epte ma yunwon. <sup>7</sup> Gega al kura belen dufaymin son hekeb, “Ne belen usi mata timekeb gore Al Kurunbe mata fudinde po ten hi goyen kawan iryen. Irkeb denem turnun yan hiyyen. Goyenbe dahade geb Al Kurun belen mata bulun al ninen merem yan niryen? Epte mon!” yiyyen. <sup>8</sup> Mere

gobe kukuwamneŋ wor po. Mere gobe, “Kame mata igiŋ forok yeŋ yeŋ ge teŋ mata buluŋ teŋ hitek,” yeŋ hanyen go goya tuŋande. Goyenbe al kura beŋe neŋ gayen mere buluŋ mat dird dird niŋ teŋbe neŋ ge yeŋ, “Mel gore al saba gwahade yirde haŋ,” diŋeŋ haŋ. Niŋgeb go mar gobe Al Kurun beŋe mere teŋ haŋ gote muruŋgem buluŋ wor po yuntek mata goyen gogo teŋ haŋ.

*Megen niŋ marbe tumŋaŋ mata buluŋ miŋyaŋ*

<sup>9</sup> Be, gwahade niŋgeb neŋ Yuda marbe al miŋ hoyaŋ Yuda mar moŋ gote folek? Moŋ. Ne beŋe meheŋde Yuda mar ma al miŋ hoyaŋ wet kura goyen tumŋaŋ mata buluŋ bana haŋ diŋhem gogo. <sup>10</sup> Be, mere gokeb Al Kurunyen asaŋde gahade katiŋ hi:

“Al Kurun diliŋde al huwakbe hubu wor po.

Al kura huwak ma po hi.

<sup>11</sup> Al kura Al Kurunyen mere bebak ma po teŋ hi. Hubu wor po.

Al unkuŋeŋ muŋ kura Al Kurun niŋ ma nankeŋeŋ hi.

<sup>12</sup> Al tumŋaŋ soŋ heŋ mata buluŋde katiŋ geb, Al Kurunyen meteŋ epte ma titek haŋ.

Al unkuŋeŋ muŋ kura mata igiŋ titek ma hi. Hubu wor po.” *Tikiŋ 14:1-3; 53:1-3; Eklisiastis 7:20*

<sup>13</sup> “Al hapekbe al mete titek gasuŋ yara geb, meremiŋ gore al hoyaŋ buluŋ yirde hi.

Irde melak beŋeŋbe usi mere po teŋ hi.” *Tikiŋ 5:9*

“Irde diŋoŋdebe kunere duwi beŋeŋ al yisike kamde hanyen det goyen haŋ.” *Tikiŋ 140:3*

14 “Mohonꝑdebe al karan yurde al biꝑ misinꝑ kattek mere beley po makinꝑ hi.” *Tikinꝑ 10:7*

15 “Kahanꝑbe huginꝑ al gasa yirke kamde kamde ninꝑ po aranꝑ kunꝑ haꝑ.

16 Yenꝑ beley naꝑa damde kunayinꝑ kurunꝑ gobe huginꝑ al bulunꝑ yirde, kanduk kurunꝑ wor po yunenꝑ haꝑ.

17 Yenꝑbe al biꝑ kamke iginꝑ heꝑ heꝑ beleybe go ma nurde haꝑ.” *Aisaia 59:7-8*

18 “Go mar gobe Al Kurunꝑ ninꝑ kafura ma heꝑ haꝑ,” yitinꝑ hi. *Tikinꝑ 36:1*

19 Be, neꝑbe Moseyen saba bana mere yitinꝑ kurunꝑ gobe saba gote yufuk bana haꝑ mar goke yitinꝑ yenꝑ nurde hite. Gogab megen ninꝑ al kura beley mata bulunꝑminꝑ goke epte ma, “Nebe al huwak,” yiyyenꝑ, irde megen ninꝑ mar tumꝑanꝑ Al Kurunꝑ dilinꝑde ulinꝑde merem yanꝑ henayinꝑ. <sup>20</sup> Ningeꝑ al kura Moseyen saba tumꝑanꝑ gama irtek minꝑmonꝑ geb, al tumꝑanꝑ epte ma Al Kurunꝑ dilinꝑde al huwak henayinꝑ. Gwahade yarabe Moseyen saba goreꝑ mata bulunꝑninꝑ kawan dikala dirke yenenꝑ bebak tenꝑ hityen.

### *Al Kurunꝑ dilinꝑde huwak heꝑ heꝑ beley*

<sup>21</sup> Ningeꝑ Al Kurunꝑ dilinꝑde al huwak heꝑ heꝑ beley hoyanꝑ dikala dirtinꝑ hi. Gobe Moseyen saba monꝑ. Beley goke bikkenꝑ Mose beley sabaminꝑde tagalyinꝑ, irde Al Kurunꝑyen mere basanꝑ mar poꝑofet wor goke tagalaminꝑ. <sup>22</sup> Ningeꝑ al kura Yesu Kristu ninꝑ dufayminꝑ tarenꝑ irnayinꝑ marbe tumꝑanꝑ Al Kurunꝑ beley al huwak yinyenꝑ. Yesu ninꝑ dufayminꝑ sanꝑinꝑ irtinꝑ mar bana kurabe huwak, munanꝑ kurabe huwak monꝑ ma yinyenꝑ. Tumꝑanꝑ

tunḡande ala al huwak yinyeḡ. <sup>23</sup> Fudinde, al tumḡaḡ Al Kurunḡ diliḡde mata bulunḡ titiḡ ala geb, Al Kurunḡyen tareḡ tunḡunḡ yaḡ bana epte ma hitek haḡ. <sup>24</sup> Gega Al Kurunḡ beleneḡ bunineḡ yirde igiḡ igiḡ yirde hiyen geb, Yesu Kristu beleneḡ yumulḡaḡ teḡ teḡ beleneḡ kirtiḡ goyen gama irde hinayiḡ marbe al huwak yeḡ yinyeḡ. Goyenbe gwahade heḡ heḡ gobe murunḡem moḡ, duliḡ gwahade hinayiḡ. <sup>25</sup> Al Kurunḡbe al kura Yesu Kristu beleneḡ yeḡ ge teḡ darim wok irde kamiḡiḡ goke dufaymiḡ tareḡ irkeb mata bulunḡmiḡ halde yuneḡ yeḡ Yesu goyen teḡ kerke katiḡ. Irde alyen mata bulunḡ niḡ teḡ dapḡa gasa yirde Al Kurunḡ galak irtiḡ yara hiriḡ. Al Kurunḡ beleneḡ go tiyyiḡ gobe matamiḡ huwak goyen Urmiḡ uliḡde kawan forok iryiḡ. Kawan forok iryiḡ gobe Al Kurunḡ beleneḡ bikkeneḡ al mata bulunḡ teḡ hinhan goyen goke ma nurde araḡeḡ bearar ma teḡ gote murunḡem ma yuneḡ hinhide mat gogo matamiḡ huwak goyen kawan forok iryiḡ. <sup>26</sup> Al Kurunḡ beleneḡ Yesu uliḡde mata bulunḡniniḡ gote murunḡem unyiḡ gobe Al Kurunḡbe al huwak goyen kawan dikala dird dird niḡbe gogo tiyyiḡ. Gwaha tiyyiḡ al gobe al huwak wor po. Irde al kura Yesu niḡ dufaymiḡ saḡiḡ irnayiḡ marbe tumḡaḡ al huwak yeḡ yinyeḡ goyen kawan dikala direḡ yeḡbe gogo tiyyiḡ.

<sup>27</sup> Niḡgeb neḡ albe da mataniniḡ goke turunḡ turunḡ teḡ hitek? Irde belneḡ damiḡ go goyen gama irde al huwak hetek? Moseyen saba gama irde Al Kurunḡ diliḡde al huwak hetek? Epte moḡ! Yesu niḡ dufayniniḡ tareḡ irteke gab Al

Kuruᅇ beleᅇ al huwak yeᅇ dinyeᅇ. <sup>28</sup> Fudinde, albe epte ma Moseyen saba gama irde Al Kuruᅇ dilinde al huwak henayin yeᅇ nurde hite. Yesu nin dufaymin taren irde gab al huwak henayin yeᅇ nurde hite. <sup>29</sup> Be, Al Kuruᅇ gayen Yuda marte Al Kuruᅇ po? Yeᅇbe al min hoyan Yuda mar mon gote Al Kuruᅇ mon? Mon geb! Yeᅇbe al min hoyan gote Al Kuruᅇ manan geb. <sup>30</sup> Ga yihim gabe Al Kuruᅇbe unᅇkuren po geb, gago yihim. Niᅇgeb Yuda mar guba yeᅇ hanᅇyen goya al min hoyan guba ma yeᅇ hanᅇyen goya goyen Yesu nin dufaymin sanin irnayinbe tumᅇan Al Kuruᅇ dilinde huwak yeᅇ yinyeᅇ. <sup>31</sup> Be, gwahade niᅇgeb neᅇbe Yesu nin dufayninin taren irde hityen geb, Moseyen sababe pel irde mali mali mata titek? Mon, epte ma gwaha titek. Neᅇ beleᅇ Yesu nin dufayninin taren irde hitekbe Moseyen saba gote min kuruᅇ goyen tumᅇan gama irde pasi hetek.

## 4

### *Abrahambe al huwak*

<sup>1</sup> Be, Abrahambe neᅇ Yuda marte asininin. Niᅇgeb Abrahambe daha tiyyin goyen goke nurtek. Gogab Yesu Kristu nin dufay sanin ird ird mata goyen bebak titek. <sup>2</sup> Be, Abrahambe mata igin teᅇ hinhin gore Al Kuruᅇ dilinde al huwak iryin manhan matamin goke yinᅇen ge turuᅇ turuᅇ tiwon. Gega matamin goke kura Al Kuruᅇ dilinde turuᅇ turuᅇ titek mon hinhin. <sup>3</sup> Niᅇgeb goke Al Kuruᅇyen asande dahade katin hi? Merebe gahade: “Abraham go Al Kuruᅇ beleᅇ mere iryin goyen fudinde yeᅇ nurdeb dufaymin



taren iryinj. Irkeb Al Kurun belen go kenenbe al huwak yen nurd unyinj,” yitin hi.

<sup>4</sup> Be, al kura meten tikeb meten gote min al gore murungem unyen. Ningeb murungem gobe meten tiyyen gote damum geb, dulin una ma yetek. <sup>5</sup> Goyenpoga Al Kurunbe al kura mata igin tiyyen goke al huwak ma inyen. Gwahade yarabe al kura Al Kurun belen mata bulun mar goyen igin al huwak yiryen yen nurde yen ge dufaymin taren irkeb goke Al Kurun belen al go al huwak yen nurd unyen. <sup>6</sup> Ningeb Israel marte doyan al kurun Dewit manan al kura Al Kurun belen al gote meten dahade tiya goke ma nurdeb al huwak inyen al gobe Al Kurun belen guram irde sanjin irtin al wor po yen nurdeb gaha yirin:

<sup>7</sup> “Al kura Al Kurun belen mata bulunmin halde unenbe mata bulun minmon inyen al gobe amanen wor po nurde hiyen.

<sup>8</sup> Irde al kura Doyan Al Kurun belen mata bulunmin goke ma nuryen al gobe amanen wor po nurde hiyen,” yitin hi. *Tikin 32:1-2*

<sup>9</sup> Be, Al Kurun belen gwaha mat guram yirde taren yirtek marbe Yuda mar guba yen hanyen goyen po guram yiryen? Ma, al min hoyan Yuda mar mon guba ma yen hanyen goyen manan guram yiryen? Tumnan guram yiryen geb. Be, Abraham nin nurnan. Nenbe, “Abraham belen Al Kurun nin dufaymin taren irke Al Kurun belen al huwak inyin,” yihit. <sup>10</sup> Gega Abrahambe daha nanan Al Kurun dilinde al huwak hirinj? Guba yirin kamere ma guba ma yirinya? Yen al huwak hirinj gobe guba ma yirinya al huwak hirinj.

<sup>11</sup> Irdeb kame gab guba yiriŋ. Guba yiriŋ gobe yeŋ beleŋ guba ma yeŋya Al Kurunŋ niŋ dufaymiŋ saŋiŋ iryiŋ goke teŋ Al Kurunŋ beleŋ al huwak inyiŋ gobe fudinde yeŋ bebak teŋ teŋ niŋ gogo guba yiriŋ. Niŋgeb yeŋbe al kura guba ma yitiŋ gega, Al Kurunŋ niŋ dufaymiŋ tareŋ irde haŋ mar kurunŋ gote naniŋ hitiŋ hi. Gobe go mar goyen Al Kurunŋ diliŋde al huwak yeŋ nurd yuneŋ yeŋbe gogo Al Kurunŋ beleŋ Abraham goyen gwaha iryiŋ. <sup>12</sup> Irde Abrahambe al guba yeŋ haŋyen marte naniŋ manaŋ. Goyenbe tumŋaŋ moŋ. Guba yitiŋ mar bana goŋ al kura Abraham beleŋ guba ma yeŋya Al Kurunŋ niŋ dufaymiŋ tareŋ iryiŋ mata goyen gama irde haŋ mar gote naniŋ hitiŋ hi.

*Al Kurunŋbe biŋa tiyyiŋ goyen gama iryiŋ*

<sup>13</sup> Be, Abrahamya foŋeŋmiŋ yagoyabe kame megeŋ kurunŋ gayen teŋ gote miŋ mar henayiŋ yeŋ Al Kurunŋ beleŋ Abraham diliŋde biŋa tiyyiŋ gobe Abraham gore Moseyen saba gama irde hike gogo biŋa tiyyiŋ? Moŋ. Gwaha titŋeŋbe Al Kurunŋ niŋ dufaymiŋ saŋiŋ irke gab al huwak ineŋbe gogo biŋa tiyyiŋ. <sup>14</sup> Niŋgeb Al Kurunŋ beleŋ biŋa tiyyiŋ goyen Moseyen saba gama irde ga tetek manhan Al Kurunŋ niŋ dufay tareŋ ird ird gobe miŋ miŋmoŋ hewoŋ. Irde Al Kurunŋ beleŋ Abraham hitte biŋa tiyyiŋ goyen wor miŋ miŋmoŋ hewoŋ. Goyenpoga gwahade moŋ. <sup>15</sup> Moseyen sababe hi gega, al beleŋ goyen ma gama irde hikeb goreb Al Kurunŋyen bearar bana yukunŋ hiyen. Goyenbe Moseyen saba goyen miŋmoŋ manhan al beleŋ mata kura tike mata bulunbe gogo taha ma ineŋ hiwoŋ.

<sup>16</sup> Niṅgeb albe Yesu Kristu niṅ dufaymiṅ tareṅ irke gab Al Kurun belen bikken detmiṅ yunen yeṅ biṅa tiyyiṅ goyen yunyeṅ. Gogab Al Kurun belen bunineṅ yirde igiṅ igiṅ yirdeb detmiṅ duliṅ yunen yeṅ biṅa tiyyiṅ goyen Abrahamyen asem weṅ dufaymiṅ yeṅ ge saṅiṅ irnayiṅ mar goyen tumṅaṅ fudinde wor po tenayiṅ. Al kura Yuda mar Moseyen saba bana haṅ gore Yesu Kristu niṅ dufaymiṅ tareṅ irtiṅ kenem yeṅbe Abrahamyen dirneṅ weṅ geb, Al Kurun belen yeṅ ge biṅa tiyyiṅ goyen tenayiṅ. Irde al kura al miṅ hoyan Moseyen saba bana ma haṅ gore Yesu Kristu niṅ dufaymiṅ tareṅ irtiṅ kenem yeṅ wor Abrahamyen dirneṅ weṅ geb, yeṅ wor tenayiṅ.

<sup>17</sup> Niṅgeb gokeb Al Kurunyen asaṅde gahade katiṅ hi: “Ne belen al miṅ kurayen kurayen kame forok yenayiṅ kurun gote asem girhem,” yitiṅ. Niṅgeb Abraham gobe Al Kurun diliṅdeb adoniniṅ. Abraham gobe Al Kurun belen al kamtiṅ wor igiṅ yisaṅ hiyyeṅ, irde det miṅmon wor pore mat det forok yiryen yeṅ dufaymiṅ yeṅ ge saṅiṅ iryiṅ.

<sup>18</sup> Abrahambe gwaha mat kura diriṅ miṅyan heweṅ yeṅ ma nurde hinhinya goyenter Al Kurun belen biṅa tenya, “Asige yagobe budam wor po henayiṅ,” inyiṅ goyen fudinde yeṅ nurde diriṅ niṅ doyan heṅ hinhin. Niṅgeb Al Kurun belen inyiṅ gwahade po, al miṅ kurayen kurayen kurun gote asem hiriṅ.

<sup>19</sup> Be, yeṅ hitte diriṅ forok ma yekeyabe damam 100 heṅ alik bulun po heṅ gwaha mat kura diriṅ forok irtek ma hiriṅ. Irde berem Sara wor gwahade po diriṅ yad yad nalumbe fole wor po tiyyiṅ. Gega

Abrahambe Al Kurun belen dirin ma nunen hi yen dufaymin taren ird ird goyen yul ma yirin. <sup>20-21</sup> Yenbe Al Kurun belen yen ge bin tiyyin goke heken nurdeb dufay budam ma iryin. Irdeb Al Kurun belen bin tiyyin kurun goyen igin forok irde nunyen yen nurde hinhin geb, yen ge dufaymin taren irde hinhin gore sanin irkeb Al Kurun denem turnun yan irde hinhin. <sup>22</sup> Ningeb Al Kurun belen dufaymin taren goyen kenenbe, “Yenbe al huwak,” yirin. <sup>23</sup> Goyenbe Al Kurun belen asanminde mere bilmin “Yenbe al huwak,” yirin gobe Abraham yen ge po ma yirin. <sup>24</sup> Mere gobe nen gayen gake manan yirin. Nenbe Doyan Al Kuruninin Yesu kamyinde mat isan hirin al Al Kurun goke dufayninin taren irde hite geb, al huwak yen nurd dunyen. <sup>25</sup> Yesube nende mata bulun nin ten kamyin. Irkeb Al Kurun belen nen gayen dilinde al huwak dire yen Yesu go kamyinde mat isan heke huwaryin.

## 5

### *Al huwak hen hen nin hoy diryin*

<sup>1</sup> Be, gwahade ningeb Yesu nin dufayninin sanin irtekeb Al Kurun belen al huwak dinyin. Ningeb nenbe Doyan Al Kuruninin Yesu Kristu hitte mat Al Kurunya awalikde hite. <sup>2</sup> Nen belen Yesu nin dufayninin taren irtekeb Yesu Kristu gore Al Kurun belen buninen dirde igin igin dird dird bana hurkun hurkun belen kerd dunyin. Irkeb nenbe go bana hite gago. Irde kame Al Kurunyen taren turnun yan bana hitek yen nurde goke doyan hen hite geb, aman hen hityen. <sup>3</sup> Irde

kanduk kurayen kurayen yeneñ hite gega, aman heñ hityen. Gobe kanduk gore sanjñ dirkeb kanduk hoyañ kura wayyen gega, yul ma yen hitek, <sup>4</sup> irde kanduk yeneñ yul ma yetekbe mata bulun titek dufay goyen igin fole irde hitek, irde mata bulun titek dufay goyen igin fole irde hitekbe kame Al Kurun beñ goke igin igin diryen yen goke doyañ heñ hitek geb, gogo kanduk kurayen kurayen yeneñ hityen gega, aman heñ hityen. <sup>5</sup> Be, Holi Spirit Al Kurun beñ dunyñ gore Al Kurun beñ neñ gayen bubulkuñne wor po yen nurde duneñ hiyen goyen fe wogortñ yara irde dunyñ. Niñgeb Al Kurun beñ igin igin diryen yen goke doyañ heñ heñ gobe miñ miñmoñ yen ma nurde hite.

<sup>6</sup> Fudinde, neñbe mata bulun bana po heñ gwaha mat kura nindiken sope irtek miñmoñ wor po hitekeyabe Al Kurun beñ nalu goyenter gwaha tiyen yirinyab Yesu Kristu beñ Al Kurun ma nurd unen mata bulun teñ hañ mar niñ teñ kamyin. <sup>7</sup> Fudinde, al kura al huwak kura goke teñ igin kameñ yen yenbe meteney wor po. Al igin kura goke teñ igin kamtek yen hañ mar wor budam moñ, yun̄kureñen po hañ. <sup>8</sup> Goyenpoga Yesu Kristube neñ gayen mata bulun bana po hitekeya neñ ge teñ kamyin. Al Kurunbe neñ gayen bubulkuñne wor po yen nurde duneñ hiyen goyen gwaha matbe dikala dirtinyen hi.

<sup>9</sup> Niñgeb neñbe Yesu Kristu beñ darim wok irde kamyin go hende al huwak hitin geb, kame Al Kurunyen bearar bana mat neñ gayen fudinde wor po dade siña diryen. <sup>10</sup> Bikken neñ gayenbe Al Kurunyen asogo hinhet gega, Urmin teñ kerke

katen kamyiŋde matbe Al Kurunya awalik hitiriŋ. Gega Urmiŋbe bida ma heŋ huwaryiŋ geb, Al Kurun beleŋ kame daha diryeŋ? Dumulgaŋ po tiyyeŋ geb! <sup>11</sup> Goyenbe go po moŋ. Neŋbe Doyaŋ Al Kurunniŋiŋ Yesu Kristu beleŋ Al Kurunya awalik dirtiŋ hite geb, goke gayenterbe Al Kurunya heŋ amaŋeŋ nurde hite.

### *Adamya Yesu Kristuya*

<sup>12</sup> Be, gwahade goyen po al unkuŋeŋ Adam beleŋ mata buluŋ tikeb mata buluŋ megen gar forok yiriŋ. Irkeb mata buluŋ gote muruŋgembe kamde kamde mata forok yiriŋ. Irkeb gor mat al tumŋaŋ mata buluŋ teŋ hinhan geb, tumŋaŋ kamde kamde bana po hinhan. <sup>13</sup> Be, Moseyen saba ma forok yiriŋya wor mata buluŋbe hinhin. Gega goyenterbe mata buluŋ teŋ hinhan gobe mata buluŋ yeŋ ma nurde hinhan. <sup>14</sup> Goyenpoga Adamyen nalure mat waŋ Moseyen nalure hinhan mar wor tumŋaŋ kamamiŋ. Al kura Adam beleŋ Al Kurunyen mere pel irde mata buluŋ tiyyiŋ gwahade ma tiyamiŋ mar wor tumŋaŋ kamde kamde mata gote yufuk bana hinhan.

Niŋgeb Adambe matamiŋ gote igineŋ buluŋ goyen alya bereya megen haŋ kurun gayen hitte forok iryiŋ al. Gega al kura kame forok yiriŋ al gobe matamiŋ gote igineŋ igiŋ goyen alya bereya kurun gayen hitte forok iryiŋ. Niŋgeb Adambe mata buluŋ forok iryiŋ al, munaŋ kame wayyiŋ al gobe mata igiŋ forok iryiŋ al. <sup>15</sup> Gega Al Kurunyen bunineŋ dufay goya Adamyen mata buluŋyabe tuŋande moŋ, hoyan hoyan. Fudinde, al unkuŋeŋ Adam gote mata buluŋde mat al budam kamde

hinhan. Goyenpoga Al Kurun belen al buninen yirde igin igin yirde yirde gobe kurun wor po, mata bulun gote folek wor po. Irde al unkurun Yesu Kristu gore al buninen yirde igin igin yirde kamyin go wor kurun wor po. Yen kamyin gobe Al Kurun belen detmin damum mon dulin al yun-  
 yin go goyen. <sup>16</sup> Be, det yunen yen Al Kurun belen damum mon dulin al yuntin gobe al unkurun Adam belen mata bulun tike gote murungem titin gwahade yara mon. Gobe gahade: al unkurun belen mata bulun tikeb gor mat al merem yan yirde murungem yunen yunen mata forok yirin. Goyenpoga al budam mata bulun kurayen kurayen titin mar hitte Al Kurun belen detmin damum mon dulin yuntek goyen yunkeb goreb Al Kurun dilinde al huwak yiryin. <sup>17</sup> Be, al unkurun Adam belen mata bulun tiyyinde matbe matamin goke ten albe kamde kamde mata yufuk bana hinhan. Gega al kura Al Kurun belen buninen yirde igin igin yird yird bana hen al huwak hitin marbe Al Kurunya huginen hen det kurun gayen doyan yirde hinayin. Mata gobe al unkurun Yesu Kristu belen forok iryin. Al huwak hen hen gobe det kura Al Kurun belen damum mon dulin al yunen yirin go goyen. <sup>18</sup> Ningeb Adamyen mata bulun unkurun\* goyen misindebe al tumnan mata bulun mar hen gote murungem tamin gega, Yesu Kristuyen mata huwak unkurun† goreb Al

---

\* **5:18:** Al Kurun belen mata iginya bulunya bebak ten ten he iginen ma nawayin inyin goyen meremin pel irde nirin goke yitin.

† **5:18:** Mata huwak unkurun gobe Al Kurunen mere gama irde kuruse hende kamyin goke yitin.

Kurunya huginjen hej hej goyen al tumnan hitte forok ird yuntin. <sup>19</sup> Al unjkuren Adam belej Al Kurunyen mere pel iryin go misinde al budam mata bulun mar hitin gega, al unjkuren Yesu Kristu belej Al Kurunyen mere gama iryin go hendebe al budam al huwak henayin. <sup>20</sup> Moseyen sababe al tumnan mata bulunmin kurun wor po goyen yenen bebak tina yen duntin. Goyenpoga mata bulunbe kurun po hej hi geb, Al Kurun belej buninen yirde igin igin yird yird matabe hubu hej hi? Hubu hitin yarabe kurun hej mata bulun gote tarej fole irde hi. <sup>21</sup> Gogab mata bulun misinde albe kamde kamde mata yufuk bana hitinenbe Doyan Al Kuruninin Yesu Kristu hitte mat Al Kurun belej buninen dirde igin igin dirde al huwak dirkeb Al Kurunya huginjen hitek.

## 6

### *Nejbe Yesu Kristuya kamtirin*

<sup>1</sup> Be, gwahade nin geb daha yetek? Al Kurun belej igin igin dird dird goyen kurun po hiwi yenbe mata bulun ten ten nin bada ma hetek yinin? <sup>2</sup> Gwahade mon po! Al kamde detmin tumnan yubul ten hanjen gwahade goyen po, nen wor mata bulunbe tumnan yubul titirin. Nin geb mata bulun belej epte ma doyan dirde hiyen geb, megen gar epte ma mata bulun ten henya hitek! <sup>3</sup> Nejbe tumnan Yesu Kristuya unjkuren hej hej ge baptais titirin gote minbe yeny unjkuren hej kamtirin yara gobe nurde han gogo. <sup>4</sup> Be, nejbe gwahade po baptais titirin goya goyenbe Yesu Kristuya hej kamteke mete dirtin yara hitin.



Gogab Yesu Kristu goyen Nanin beley sanjinmin turñun yañ wor po gore isañ hirin gwahade goyen po, neñ manañ gwaha dirke Al Kurun dilingde al gergen heñ hitek.

<sup>5</sup> Be, neñbe gwaha mat Yesu Kristuya unjkuren heñ kamtirin kenem yeñ huwaryin gwahade goyen po, neñ wor fudinde Al Kurun beley disañ heke huwartek. <sup>6</sup> Niñgeb Yesu Kristu kuruse hende mayke kamyin goyenter dufayninin bikkek megen nin goyen manañ kamyin yeñ nurde hite. Gogab neñ gayen mata bulun beley epte ma wor po danarde boñ yeke gote yufukde hitek. <sup>7</sup> Gobe al kura Yesu Kristuya kuruse hende kamaryum al gobe Al Kurun beley mata bulun bana mat teñ siña iryin geb, gogo mata bulun yufuk bana ma hi.

<sup>8</sup> Be, neñbe Yesu Kristuya tumñan kamtirin kenem al gergen heñ yenya hite gayenbe fudinde wor po yeñ nurde hite. <sup>9</sup> Gobe Yesu Kristube kamtinde mat huwaryin geb, sopte ma kamyen yeñ nurde hite geb, gago dinen hime. Fudinde, kamde kamde mata beley epte ma tanaryen. <sup>10</sup> Be, Yesu Kristu kamyin gobe mata buluninin pasi ire yeñbe gogo kamyin. Goyenbe wawun unjkurende po kamyin. Irde Al Kurun denem turñun yañ ird ird nin hi. <sup>11</sup> Niñgeb den wor gwahade po kamamin geb, mata bulun yufukde ma hite yeñ nurdeb Yesu Kristuya heñ Al Kurun denem turñun yañ ird ird nin hinayin.

<sup>12</sup> Niñgeb tubul tike mata bulun beley ultin kame kamke bida hetek goyen tanarde ma hiyen. Gwaha ma tinayinbe mata bulun titek dufay

goyen po gama irde hinayin geb. <sup>13</sup> Niñgeb tubul tike ultin kurhan kura gore mata bulun ten tende nin det ma hiyyen. Gwaha titnenbe kamtinde mat huwarde al gergeñ hitin han geb, ultin goyen Al Kurun beley mata huwakde nin det irde meten unyen yen Al Kurun unnayin. <sup>14</sup> Denbe Moseyen saba gote yufuk bana ma han. Al Kurun beley buninen dirde igin igin dirde hi bana gon han. Niñgeb mata bulun beley epte ma wor po doyan dirde hiyen.

*Neñbe mata huwak ten ten mar*

<sup>15</sup> Niñgeb daha titek? Neñbe Moseyen saba gote yufuk bana ma hite, irde Al Kurun beley buninen dirde igin igin dirde hi bana gon hite geb, mata bulun ten hitek? Mon, epte ma gwaha titek! <sup>16</sup> Be, denbe al kurate meten mar dulnen hen yende yufukde hitek yen nurde gwaha tinayinbe al gote mere po gama irde meten dulnen ten ten mar henayin goyen go ma nurde han? Gwahade goyen po, den beley mata bulun gama irde hinayinbe gote yufuk bana hen Al Kurun dilinde al kamtin hinayin. Munan Al Kurunen mere nurde gama irde hinayinbe gote yufukde hen al huwak henayin. <sup>17-18</sup> Be, bikken denbe mata bulun yufuk bana po hen gote meten mar hinhan. Goyenpoga gayenterbe Al Kurunen mere saba dirke nurdeb bitinde mat fudinde wor po gama irde han. Irkeb yen beley mata bulun bana mat dad sin dirde mata huwak yufuk bana dirtin han. Niñgeb goke Al Kurun igin wor po nurd unen hite. <sup>19</sup> Mere tihim gayen dindiken kenkela bebak titek mon geb, megen nin marte matare

mat momoŋ direŋ tihim. Be, bikkeŋ denbe ultin kurhan kura mata buluŋ Al Kurun dilinđe tikiŋ minyan goke unen hinhan. Irde mata kura Al Kurunyen mere ma nurde hanyen marte mata gama irke mata buluŋtinbe kurun wor po heŋ hinhin. Gwaha teŋ heŋbe mata buluŋ kurun gote yufuk bana po hinhan. Gega gayenterbe ultin goyen tumnaŋ yumulgaŋ teŋ mata huwak nin unnayin. Irdeb yende yufukde heŋ mata huwak teŋ hinayin. Irkeb Al Kurun dilinđe wukken dinyen.

<sup>20</sup> Be, bikkeŋ den goyen mata buluŋ yufuk bana heŋ gote meten mar hinhanyabe mata huwak gote yufuk bana ma heŋ mata huwak goke dufay ma heŋ hinhan. <sup>21</sup> Go mata teŋ hinhan goke gayenterbe memyak nurde haŋ. Goyenpoga gwaha teŋ hinhanyabe igineŋ igin dahade kura yawaramin? Hubu wor po. Fudinde, mata teŋ hinhan gote murun gem funandebe kamde kamde gogo po. <sup>22</sup> Gega gayenterbe Al Kurun belen mata buluŋ bana mat dumulgaŋ tike Al Kurunyen meten mar hitin haŋ. Niŋgeb gor mat Al Kurun dilinđe wukkeŋ hetek mata go po teŋ tenbe kame gote murun gembe Al Kurunya hugineŋ heŋ heŋ mata goyen tenayin. <sup>23</sup> Gwahade goyen po, mata buluŋ gote murun gembe hugineŋ kamde kamde gogo. Munan Doyan Al Kurun ninin Yesu Kristuya heŋ heŋ goke teŋ detmin kura Al Kurun belen damum moŋ dulin duntin gobe yenya hugineŋ heŋ heŋ gogo.

*Nenbe Moseyen saba yufuk bana ma hite*

<sup>1</sup> Be, kadne yago, denbe Moseyen saba nurde han geb merene gayen kenkela bebak tinayin yen Moseyen saba go hende mere diren tihim. Be, albe dilin henya po Moseyen saba gote yufuk bana hinayin gobe nurde han gogo. <sup>2</sup> Be, goke ire unyat matare mat dikala diren. Be, Moseyen sabarebe bere un yanbe un goyen dilin hikeyabe un yufuk bana po hiyen. Gega un goyen kamkeb Moseyen sabare bere gobe un goya po hiriryen yitin goyen yufuk bana ma hiyen. <sup>3</sup> Nin geb un dilin hikeya al hoyan hitte kuyen gobe bere gobe lenfot innayin. Gega un kamkeb Moseyen sabare unya po hiriryen yitin goyen yufuk bana ma hiyen geb, al hoyan tiyyen goke lenfot ma innayin.

<sup>4</sup> Nin geb, kadne yago, denbe Yesu Kristuya han goke tenbe yenya kuruse hende kamamin yara hamin han geb, Moseyen saba gote yufuk bana ma han. Gwahade hitin yarabe kamtinde mat huwaryin al Yesu gote yufuk bana han. Gwahade han gobe gote iginen mata igin Al Kurun hitte forok yird unen hini yenbe gogo gwahade han. <sup>5</sup> Han kapa megen nin dufay po gama irde hinhetyabe Moseyen saba gore mata bulunbe gwahade yen kawan yirde hinhin. Gega mata goyen bebak ten yubul titnenbe mata bulun goyen ten ten nin bininin harde hinhin. Irkeb dufay bulun goyen gama irde mata bulun ten hiteke gote murungem bulun, Al Kurun dilinde huginen kamde kamde goyen tetek hitirin. <sup>6</sup> Goyenpoga gayenter nenbe Yesu Kristuya kamtirin geb, Moseyen saba

gote yufuk bana ma hite. Bikkenbe saba gore fere dirtiñ hinhet gega, gor mat dade siña dirtiñ. Niñgeb Moseyen saba bikkek asañde katiñ goyen hende huwardeya ma Al Kurun niñ meten ten hite. Holi Spirit belen mata gergen duntin goyen hende huwarde meten ten hite.

*Moseyen sabaya mata bulunya*

<sup>7</sup> Be, gwahade niñgeb Moseyen saba gobe bulun yetek? Epte mon! Moseyen saba gore mata bulun nikala ma niryin manhan mata bulunbe dahade goyen bebak ma timewon. Niñgeb Moseyen sabare, “Al hoyande det yenen gone yan hemewon yen ma nurnayin,” gwaha ma yitin manhan mata gobe bulun yen ma nurmewon. <sup>8</sup> Goyenpoga Moseyen sabare, “Al hoyande det yenen gone yan hemewon yen ma nurnayin,” yitin mere goyen nurdeb mata bulun go tubul titekdebe mata bulun gore bene fakamke al hoyande det yenen gone yan hemewon yen nurd nurd dufay kurayen kurayen forok yen hanyen. Moseyen saba go minmon manhan mata bulun wor kamtin yara taren minmon hiwon. <sup>9</sup> Bikken Moseyen saba ma nurde hinhemyabe nebe al igin mata bulunem mon yen nurde hinhem. Gega saba gore gwaha gwaha ten hinayin yitin goyen nurmirin gega, saba kurun goyen epte ma kenkela gama irtek yen bebak tenbe nebe mata bulun al yen nurmirin. Gobe mata bulun kamtin goyen sopte geren hitin yara. <sup>10</sup> Gor mat nebe Al Kurun dilinde kamtin hime yen nurmirin. Niñgeb Moseyen saba gore ne gayen Al Kurunya huginen hen hen belen kerd nuntin

yarabe hugiñeñ kamde kamde beleñ kerd nuntiñ yeñ nurmiriñ. <sup>11</sup> Fudinde, mata buluñ beleñ usi nird nird beleñ niñ nankenenbe Moseyen saba goyen hende harde usi nirke mata buluñ teñ hinhem. Niñgeb Moseyen sabare, “Mata buluñ gote muruñgembe kamde kamde gogo,” yitiñ go gwahade po, Al Kurun diliñde kamtiñ hinhem. <sup>12</sup> Niñgeb Moseyen sababe buluñ? Moñ! Moseyen saba go muñ pobe Al Kurun diliñde wukke, irde go bana mere wor wukke, huwak, irde igiñ wor po.

<sup>13</sup> Niñgeb det igiñ goyen gore ne hitte kamde kamde mata forok irde nunyiñ? Moñ, hubu wor po! Mata buluñ po ga kamde kamde mata forok ird nunyiñ. Moseyen saba gobe igiñ gega, mata buluñ gore po ga saba go hende kamde kamde mata forok ird nunyiñ. Gobe mata buluñ go fudinde kawan forok yeñ yeñ ge Al Kurun beleñ tubul tike gogo kamde kamde mata forok ird nunyiñ. Gogab Moseyen saba bana mere yitiñde gor matbe mata buluñ gobe fudinde buluñ wor po yeñ kawan henayiñ.

<sup>14</sup> Be, Moseyen sababe Al Kurun hitte mat watin yeñ nurde hite. Gega nebe megen niñ al po, mata buluñ beleñ damu nirtiñ yara yeñ yufuk bana po himyen. <sup>15</sup> Irde mata igiñ po tiye yeñ nurde himyen gega, gwaha ma teñ himyen. Gwaha titñenbe mata gwahade titek ma nirde hiyen goyen po teñ himyen. Niñgeb nebe mata gwaha teñ hime yeñ ma nurde himyen, kukuwamñeñ wor po. <sup>16-17</sup> Goyenbe mata kura titek ma nirde hi gega, mata goyen tiyenbe mata go teñ teñ gote

minjbe ne moŋ. Mata buluŋ ne bana hi gore teŋ hi. Niŋgeb Moseyen saba yiŋgeŋbe igiŋ goyen fudinde yeŋ nurde hime. <sup>18</sup> Ga dinen hime gabe bene bana dufay igiŋ kura ma hi yeŋ nurde hime geb, gago yeŋ hime. Fudinde, ne megen niŋ al banabe dufay igiŋ kura ma hi. Niŋgeb gogo mata igiŋ titek dufay minyaŋ gega, goyen gama irde mata teŋ teŋ gobe metenŋ wor po nirde hiyen. <sup>19</sup> Mata igiŋ tiye yeŋ nurde himyen goyen titek yarabe mata buluŋ po teŋ himyen. Mata buluŋ titek ma nirde hiyen gega, goyen po teŋ himyen. <sup>20</sup> Niŋgeb ne mata gwaha ma titek nurde himyen mata goyen teŋ himyen gobe nigen ma teŋ himyen. Mata buluŋ teŋ teŋ dufay ne bana hi gore teŋ hiyen.

<sup>21</sup> Niŋgeb go mata gobe nigen wor po kenen bebak teŋ himyen. Mata gobe gahade: ne beŋ mata igiŋ kura tiye yeŋ nuren goya goyenbe mata buluŋ teŋ teŋ dufay wor ne bana hi. <sup>22</sup> Gobe gahade: Al Kurun beŋ bene bana dufay igiŋ forok ird nuntiŋ geb, Al Kurunyaŋ saba goke amaŋen nurde himyen. <sup>23</sup> Goyenpoga bene bana kurhanbe saba hoyan buluŋ kura hi geb, gore mata buluŋ yufukde nerde fere nire yeŋbe Al Kurunyaŋ saba bener igiŋ nurd unen himyen goya arde hike nurde himyen. <sup>24</sup> Goke teŋbe neb gwaha kura teŋ igiŋ hewen yeŋ ma nurde hime geb nigen ge buninŋ wor po nurde hime. Niŋgeb ganuŋ al beŋ gab mata buluŋ bana po heŋ katted heŋ hime al gayen nad siŋa nirke igiŋ hewen? Hubu wor po! <sup>25</sup> Gega Al Kurun beŋ Doyaŋ Al Kuruniniŋ Yesu Kristu inke ne gayen

mata bulun bana mat nad sinja niryin geb, goke amanen nurd unen hime.

Ningeb nebe gahade hime: nebe dufay gergen nuntindebe Al Kurunyen saba gama irde hime. Gega megen nin dufay bulun beley manan nulun ten hi.

## 8

### *Holi Spiritya hej hej mata*

<sup>1</sup> Ningeb al kura Yesu Kristuya han marbe Al Kurun beley mata bulunmin gote murungem ma yunen. <sup>2</sup> Gobe Yesu Kristuya hireke al gergen nirtin Holi Spirit gote sanin gore mata bulunya kamde kamdeyat tarej bana mat nad sinja niryin geb, gago dinen hime. <sup>3</sup> Nenbe megen nin dufay bulun goyen minyan mar geb, Moseyen sabare yitin goyen epte ma kenkela gama irtek hite. Ningeb Moseyen saba gore epte ma igin dirtek hinhin. Irkeb Al Kurun beley mata buluninin halde dunen yenbe Urmin ten kerke katenbe nen gahade ga po hej forok yirin. Irde mata buluninin ge ten yingen Al Kurun galak iryin. Irkeb Al Kurun beley megen nin marte mata bulun goyen Yesu Kristu ulinde irde alyen mata bulun gote murungem unyin. <sup>4</sup> Al Kurun beley meten go tiyyin gobe Moseyen sabare mata huwak nin yitin goyen nen hitte kenkela wor po forok yen hiyen yenbe meten gogo tiyyin. Ningeb nenbe megen nin dufay bulun go ma gama irdeb Holi Spirityen dufay po gama irde hityen.

<sup>5</sup> Be, al kura megen nin dufay gama irde han marbe ulinde aman hetek dufay goyen po gama



irde hitek nurde hanyen. Goyenpoga al kura Holi Spirityen dufay gama irde hanj marbe Holi Spirit belen igin nurde hitek mata goyen po ten hitek nurde hanyen. <sup>6</sup> Fudinde, al kura megen nin dufay gama irde hiyen al gobe Al Kurun diliinde kamtin hiyen. Gega Holi Spirit belen dufaymin doyan irde hiyen al gobe Al Kurun diliinde al gergen hen bin kamke igin hiyen. <sup>7</sup> Gega megen nin dufay po gama irde hiyen al gobe Al Kurun asogo irde hiyen. Go al gobe Al Kurunyen saba gama ma irde hiyen. Irde epte ma gama irtek hiyen. <sup>8</sup> Al gwahade megen nin dufay bulun belen doyan yirtinde po hanj marbe epte ma wor po Al Kurun belen amanen nurtek mata goyen ten hinayin.

<sup>9</sup> Gega den banabe Holi Spirit hi geb, megen nin dufay belen ma doyan dirde hi. Holi Spirit belen doyan dirde hi. Gega al kura Holi Spirit minmon kenem al gobe Yesu Kristuyen al mon. <sup>10</sup> Gega den goyen Yesu Kristuya hanj kenem mata bulun nin ten ultinbe bida henayin gega, Al Kurun diliinde al huwak henayin geb tontinbe yenya hinayin. <sup>11</sup> Irde Al Kurun Yesu Kristu kamtinde mat isan hirin al gote Holi Spirit belen den bana hi kenem Yesu kamtinde mat isan hirin al Al Kurun belen Holi Spirit dunyen. Irke ultin bida henayin goyen kame sopte gergen yirke huginen hinayin.

<sup>12</sup> Ningeb, kadne yago, nenbe yen belen gwaha diryin goke wol hetek mata kura hi. Mata gobe megen nin dufay bulun ulniniinde aman hetek goyen ma po gama irde hitek go goyen. <sup>13</sup> Gobe

megen niŋ dufay gama irde hinayiŋbe Al Kurunŋ diliŋde kamtiŋ hinayiŋ gega, ulitiŋde mata bulunŋ tenŋ tenŋ dufay goyen Holi Spirityen tareŋde yubul tinayiŋbe Al Kurunŋya hugiŋeŋ hinayiŋ geb, gago diŋeŋ hime. <sup>14</sup> Be, Al Kurunŋ dirŋeŋ weŋ fudiŋde wor pobe Al Kurunŋyen Holi Spirit belenŋ doyaŋ yirde yukunŋ hi mar gogo. <sup>15</sup> Al Kurunŋ belenŋ Holi Spirit dunyiŋ gobe bikkenŋ kamde kamde niŋ kafura heŋ hinhan dufay bana goŋ sopte mulgaŋ heŋ heŋ ge ma dunyiŋ. Gwahade yarabe dirŋeŋ weŋ heŋ heŋ ge Holi Spirit dunyiŋ. Niŋgeb yende saŋiŋde Al Kurunŋ goyen eke merere, “Ado, Ado” inenŋ hityen. <sup>16</sup> Fudiŋde, Holi Spirit neŋ bana hi goreb bininiŋde wor po, “Deŋbe Al Kurunŋyen dirŋeŋ weŋ,” diŋeŋ hiyen. <sup>17</sup> Irde neŋbe Al Kurunŋyen dirŋeŋ weŋ kenem kame yende det gote miŋ mar hiniŋ. Goyenbe kanduk Yesu Kristu belenŋ yinyiŋ gwahade neŋ manaŋ goyen bana hitek. Gogab Al Kurunŋyen tareŋ turnuŋ yaŋ wor po yeŋ belenŋ Yesu Kristu untiŋ goyen neŋ manaŋ tetek. Irkeb yenya nenya tumŋaŋ Al Kurunŋyen det gote miŋ mar hiniŋ.

*Kame Yesu Kristu tareŋmiŋ turnuŋ yaŋ kentek*

<sup>18</sup> Be, Al Kurunŋyen saŋiŋ turnuŋ yaŋ wor po kame neŋ hitte forok yiyyenŋ gobe igiŋ wor po geb, gayenter kanduk yeneŋ hite gabe det dirŋeŋ yeŋ nurde hite. <sup>19</sup> Fudiŋde, tareŋmiŋ turnuŋ yaŋ gobe fudiŋde wor po forok yiyyenŋ geb, megenya naŋkiŋya, irde det kurunŋ gayen gare dagehen ga Al Kurunŋ belenŋ dirŋeŋ weŋ kawan forok yirke yentek yeŋ nurdeb goke po doyaŋ heŋ haŋ. <sup>20</sup> Megenya naŋkiŋya, irde det kurunŋ gayenbe Al

Kurun belen dufaymin kiryin goyen gama ird ird nin son hamin gobe momjonde ma son hamin. Al belen mata bulun tikeb det kurun gayen wor Al Kurunyen dufay gama ird ird nin son hamin. Gwaha tiyamin gobe Al Kurun belen gwahade po henayin yen dufay kiryin geb, gogo tiyamin. Goyenpoga sopte igin hetek nalu nin doyan hen hanjen. <sup>21</sup> Goyen nalureb det kurun gayenbe bulun hitinde mat Al Kurun belen sopte yade gergen wor po yiryen. Irde Al Kurun dirnen wen gobe mata bulun yufukde mat yad sinja yirke Al Kurunyen tarenmin turun yan goyen bana hinayin gwahade goyen po, det kurun gayen wor gwahade po hen hinayin.

<sup>22</sup> Be, det kurun Al Kurun belen yiryin gabe bulun hitinde mat wan wan gayenter wor bulun hitin goyen bana po hen ulin misin nurde han gobe nurde hite. Yen ulin misin nurde hanjen gobe bere kura dirin kawan kere yen ulin misin katen hiyen go gwahade goyen. <sup>23</sup> Goyenbe yen po mon. Nen manan bininin bana misin nurde hityen. Nenbe Al Kurun belen dunen yen binja tiyyin gote iginen mehende wor po Holi Spirit goyen titirin mar. Goyenpoga nen gayen wor kanduk bana hen misin nurde hityen. Irde misin nurde henyabe Al Kurun belen nen gayen dirnen wen wor po dirde ulninin manan bulun hitinde mat gergen wor po yiryen yen goke po doyan hen hityen. <sup>24</sup> Nenbe kame Al Kurun belen gwaha diryen yen nurde doyan hen hinhet geb, Al Kurun belen dumulgan tiyyin. Gega det kura tetek yen goke doyan hen hityen goyen bikken titin kenem

goke ma doyañ heñ hitek. Ganuñ al belen det kura bikken titiñ goyen temewoñ yeñ nurde goke doyañ heñ hiyeñ? Hubu wor po. <sup>25</sup> Gega neñbe det kura yawartek goyen go ma yawartiñ geb, goke doyañ heñ hityen gega, goke piñeñ ma heñ hityen.

<sup>26</sup> Be, neñ gayen kanduk bana hite gega, Al Kurunyen sañiñ turuñ yañ wor po goyen goke doyañ heñ heñ goreb tareñ dirde hiyen gwahade goyen po, Holi Spirit wor neñ dufayniniñ tareñ moñ gayen farañ durde hiyen. Neñbe goke kura Al Kurun gusuñañ irtek yeñ ma nurde hityen gega, Holi Spirit yingeñ po nende gasuñ teñ Al Kurun esen mere irde hiyen. Yeñbe gwaha teñ heñyabe neñ ge bunineñ wor po nurdeb binde misiñ kurun kateñ henya Al Kurun mere irde hiyen. Misiñ kateñ hiyen gobe epte ma gwahade yeñ nurde tagaltek. <sup>27</sup> Irde Holi Spiritbe Al Kurunyen alya bereya farañ yureñ yeñ Al Kurunyen dufaymiñ po gama irde gusuñañ irde hiyen. Niñgeb neñ alyen dufay keñkela keneñ hiyen al Al Kurunbe Holi Spirit belen dufay dahade kerde gusuñañ irde hi goyen keñkela nurde hiyen.

<sup>28</sup> Irdeb al kura Al Kurun belen dufaymiñ kerde hoy yirkeb yeñ ge amanen nurde unen han mar hitte mata forok yeñ han kurun gobe Al Kurun belen yad bul yirdeb mel goyen igiñ heñ heñ mat yirde hi gobe nurde hite. <sup>29</sup> Gobe Al Kurun belen alya bereyamiñ hetek mar bikken nurd yunenbe Urmiñ yara henayiñ yeñ basina yiryiñ geb, gogo dirde hi. Gogab Urmiñ gobe Al Kurunyen dirneñ wen hitiñ mar gote urmiñ mataliñ hiyyeñ. <sup>30</sup> Al

Kurunbe alya bereyaminj bikkenj basinja yirtin goyen hoy yiryinj. Irde hoy yirke watinj mar goyen al huwak yiryinj. Irde al huwak yirtin mar goyen denem turunj yanj yiryinj.

*Al Kurunjen amanj dufaybe kurun wor po*

<sup>31</sup> Niŋgeb Al Kurun belej iginj gwaha diryinj goke daha yetek? Irde Al Kurun belej neŋ faranj durde hi kenem ganun al belej asogo dirnayinj? Hubu wor po! <sup>32</sup> Al Kurunbe Urminj yende wor po goyen urne yeŋ be ma hirinj. Gwaha titneŋbe neŋ megen niŋ mar kurunj gake nurde megen gar teŋ kerke kateŋ kamyinj. Niŋgeb Yesu Kristu basinja irtek wor gogo dunyinj geb, det hoyanj duneŋ duneŋ niŋ kama hiyyeŋ yeŋ nurde haŋ? Moŋ, kama ma heŋ kurunj po duneŋ hiyeŋ. <sup>33</sup> Al Kurun yinŋeŋ po basinja yirtin mar goyen al huwak yiryinj. Niŋgeb ganun al belej Al Kurun belej basinja yirtin mar goyen merem yanj yirnayinj? Hubu wor po! <sup>34</sup> Be, Yesu Kristube neŋ ge teŋ kamyinj. Irde kamyinje mat huwaryinj. Huwardeb Doyanj Al Kurun heŋbe Al Kurun haninj yase belej mat keperde neŋ ge teŋ Al Kurun gusunanj irde hi. Niŋgeb ganun al belej merem yanj dirde gote murunjem bulunj dunyeŋ? Hubu wor po! <sup>35</sup> Irde ganun al belej Yesu Kristu belej bubulkunne wor po yeŋ nurd duneŋ hi bana gonj mat dad siŋa diryeŋ? Hubu wor po! Kanduk kurayen kurayen yeneŋ hitek, ulnininj misinj kateŋ hitek, al hoyanj belej bulunj bulunj dirde hinayinj, biŋge kamde hitek, ulnininj umŋa miŋmoŋ hitek, det bulunj kura forok yeŋ bulunj dirtek hinayinj, irde fulenja mata forok yeŋ hinayinj kurunj gore

Yesu Kristu belen neŋ gayen bubulkuŋne wor po yeŋ nurd duneŋ hi goyen igiŋ walnayeŋ? Epte moŋ! <sup>36</sup> Niŋgeb yeŋ ge kanduk gwahade yentek goke Al Kurunyen asanđe gahade katiŋ hi:

“Ge goke teŋ neŋbe hugiŋeŋ al belen mudunke kamtek belŋeŋde po kuŋ hityen.

Irde neŋbe sipsip gasa yirke kamde hanŋyen go gwahade goyen hityen,” yitiŋ. *Tikiŋ 44:22*

<sup>37</sup> Be, neŋbe yitiŋ gwahade po kanduk bana hityen gega, neŋ gayen bubulkuŋne wor po yeŋ nurd duneŋ hi al Yesu Kristu faran durke kanduk karkuwan gwahade goyen fole wor po yirde hityen. <sup>38</sup> Fudinde, Al Kurun belen neŋ ge amanen wor po nurd duneŋ hi. Niŋgeb dufaynerbe fudinde wor po gahade nurde hime: kamtek ma hitek yara kura, Al Kurunyen miyoŋ wet ma unŋura, hanŋka ma kame, irde det sanŋ miŋyan yara kura, <sup>39</sup> irde det nanŋiŋde niŋ wet ma det megen biŋde niŋ wet ma det megen gar niŋ kurayen kurayen gore Doyan Al Kurunniŋ Yesu Kristu niŋ teŋ Al Kurun belen neŋ bubulkuŋne wor po yeŋ nurd duneŋ hiyen goyen epte ma wor po walnayeŋ.

## 9

### *Israel mar*

<sup>1</sup> Be, nebe Yesu Kristuya har geb, mere dinen hime gabe fudinde dinen hime. Usi ma wor po teŋ hime. Bener fudinde yeŋ nurdeya dinen hime. Holi Spirit wor merene gayen fudinde yeŋ nurde hi. <sup>2</sup> Be, bene biŋdebe Israel mar niŋ hugiŋeŋ kandukŋeŋ nurdeb bunineŋ wor po

nurde himyen. <sup>3</sup> Niṅgeb nigen miṅde niṅ alya bereya goyen farañ yurmewoṅ wor po yeṅ nurde himyen. Goke teṅbe beleṅ kura hi kenem mel gore nere gasuṅ teṅ Yesu Kristu nurd unkeb nebe yende gasuṅ teṅbe Yesu Kristu tubul teṅ gisaw kuṅbe Al Kurunṅyen bearar bana heṅ yeṅ nurde himyen. <sup>4</sup> Be, nigen miṅde niṅ albe Israel mar gogo. Mel gobe Al Kurunṅ belenṅ dirneṅ weṅ yirke tareṅmiṅ turuṅ yaṅ goyen bana hinhan. Al Kurunṅbe mel goya biṅa kura tareṅ po teṅbe Moseyen saba manañ yunyiṅ. Irde Al Kurunṅyen ya balem bana doloṅ ird ird mata yikala yiryiṅ. Irde mel goyen gwaha gwaha yireṅ yeṅ biṅa hoyañ hoyañ manañ teṅ hinhin. <sup>5</sup> Mel gobe Yuda marte hakwamiṅ wor po miṅde mat watiṅ. Yesu Kristu wor yeṅ goyen miṅde mat watiṅ. Yesu Kristube Al Kurunṅ, det kurunṅ gayen doyaṅ yirde hi al. Niṅgeb yeṅ po ga hugiṅeṅ turuṅ irde hitek hi. Fudinde wor po.

<sup>6</sup> Be, Israel mar gobe tumṅañ Yesuyen alya bereya Israel mar fudinde wor po hewoṅ gega, gwahade ma haṅ. Niṅgeb Al Kurunṅ belenṅ mel goyen hitte biṅa tiyyiṅ gobe sorkok hiriṅ yeṅ nurtek? Moṅ, sorkok ma hiriṅ. Israel marbe Al Kurunṅ belenṅ basiṅa yiryiṅ gega, tumṅañ ma basiṅa yiryiṅ. Al kura po basiṅa yiryiṅ geb, gogo al tumṅañ ma Yesuyen alya bereya hitiṅ. <sup>7</sup> Mel gobe tumṅañ Abrahamiyen miṅde mat watiṅ gega, go kurunṅ gobe tumṅañ Abrahamiyen dirneṅ weṅ ma hamiṅ. Gokeb bikkeṅ Al Kurunṅ belenṅ, “Aisakyen miṅde mat forok yeṅ hinayiṅ go muṅ po gab diriṅge weṅ henayiṅ,” inyiṅ gogo.

<sup>8</sup> Niṅgeb mere gote miṅbe Abrahamiyen dari po gama irde dirin forok yitiṅ gobe Al Kurunyen dirneṅ weṅ moṅ. Munan Al Kurun belen Abraham hitte biṅa tiyyin goyen gama irde dirin forok yitiṅ go po ga Abrahamiyen dirneṅ weṅ wor po. <sup>9</sup> Be, Al Kurun belen Abraham hitte biṅa tiyyin mere gobe gahade: “Dama kura imoyenter nalu kirtin hi goyenter gab sopte mulgan heṅ ge hitte wayen. Goyenterbe berge Sarabe dirin al dirin kura kawan kiryen,” yitiṅ hi.

<sup>10</sup> Goyenbe go muṅ po moṅ. Aisak berem Rebeka urmin waran gote naniṅbe unṅkuren Aisak po. Aisak gobe neṅ Israel mar kurun gate asininin. <sup>11-12</sup> Goyenbe Aisak urmin waran kalpan goyen forok yeṅ miṅmondebe Al Kurun belen Rebeka goyen, “Itinbe kulinde meten al hiyyen,” inyin. Go mere gobe dirin irawa go kawan heṅ mata igin daw ma bulun daw goyen tike yenenya ma gwaha yirin. Al Kurun belen bikken dufaymin kiryin go po gama irde kulin go basina iryin. Niṅgeb Al Kurun belen gwaha iryin gobe yenbe alyen mata kenenbe basina ma yirde hiyen, dufayminde igin nurd yunenbe basina yirde hiyen goyen dikala dirde hi. <sup>13</sup> Niṅgeb mata goke Al Kurunyen asande gahade katin hi:

“Nebe Yekop goyen bubulkunne wor po yeṅ nurde unen hime.

Munan Isobe gwahade ma nurd unen hime,”  
*Malakai 1:2-3*

<sup>14</sup> Niṅgeb daha yetek? Al Kurun belen go tiyyin goke ten yenbe mata huwak ma tiyyin yetek?



Epte moŋ! <sup>15</sup> Al Kurun beŋ matamiŋ goke teŋ Mose gaha inyiŋ:

“Dufayner al kura bunineŋ ire yeŋbe gwaha po ireŋ.

Irde al kura igiŋ ire yeŋbe gwaha po ireŋ,” yitiŋ hi. *Yumulgan 33:19*

<sup>16</sup> Niŋgeb Al Kurun yiŋgeŋ po gab ganuŋ al kura bunineŋ ire yeŋbe gwaha iryeŋ. Munan al beŋ dufaymiŋde Al Kurun beŋ basiŋa nirwoŋ yeŋ nuryeŋ, irde mata igiŋ teŋ himeke gab gwaha niryeŋ yeŋ kurut yeŋ hiyeŋ gore epte ma Al Kurun beŋ bunineŋ iryeŋ. <sup>17</sup> Al Kurunbe matamiŋ gwahade geb, Isip naŋa doyaŋ al kurun Fero gobe meremiŋ pel ird ird niŋ basiŋa irdeb gaha inyiŋ: “Ge hittebe saŋiŋne turuŋ yaŋ wor po goyen kawan forok irmeke al megen hike kwa kurun gore nurdeb ne niŋ nurnayiŋ yeŋ dufay kerdeb gogo ge gayen doyaŋ al kurun girmiriŋ,” inyiŋ. <sup>18</sup> Niŋgeb Al Kurunbe dufaymiŋde al kura bunineŋ ire yeŋbe bunineŋ iryeŋ. Irde al kura meremiŋ pel ird ird niŋ tonan tareŋ ire yeŋbe gwahade po iryeŋ.

<sup>19</sup> Be, Al Kurunbe gwahade hi goke al kura dufaymiŋ soŋ hekeb, “Al Kurun beŋ neŋ gayen mata gwaha gwaha teŋ hinayiŋ yeŋ yiŋgeŋde dufay po gama irde basiŋa dirtiŋ kenem daha mat dufaymiŋ waltek? Epte moŋ! Niŋgeb mata buluŋ teŋ hityen gobe nindikeŋ ma forok yirde hityen gega, daniŋ Al Kurun beŋ mata buluŋniniŋ ge merem yaŋ dirde hiyeŋ? Gobe igiŋ moŋ,” yeŋ haŋyen. <sup>20</sup> Goyenpoga deŋbe al dahade geb, gwaha yeŋ haŋ? Neŋ al megen niŋ gare Al Kurun

belen dufaymin gama irde daha kura diryen goyen goke epte ma, “Daniñ gahade dirañ?” in-tek. Mata gobe det kura al kura belen iryen gore tigiri tenbe iryen al goyen, “Daniñ gahade nirañ?” ma inyen go gwahade goyen. <sup>21</sup> Be, kuwe yase yird yird albe wona ten kuwe yase gwahade yiren yen nurdeb dufaymin go po gama irde yiryen. Kuwe yase kura meten kurun unen unenyen iren yenbe gwahade po iryen. Munan kuwe yase kura meten mali untek goyen ire yenbe igin ala iryen.

<sup>22</sup> Niñgeb Al Kurun wor mata gwahade goyen po ten hiyen. Yenbe mata bulun mar goyen beararmin kawan po kennayin, irde tarenmin wor kenen bebak tinayin yen nurde gwamun yure yenbe igin gwamun yuryen. Gega yenbe bemel ma gwaha yirde ulyande doyan hen hen nin pinen ma irde hiyen. Gobe dufaymin po gama irde gwaha ten hi geb, al kura belen goke epte ma innayin. <sup>23</sup> Munan al kura Al Kurunyen buninen dufay bana po han mar goyen kurabe nen gago. Nenbe Al Kurunyen sanin turnun yan wor po goyen kennayin yen bikken gitik diryin geb, tarenmin turnun yan goyen nen gayen dikala diren yen nurde hinhin. Goyenbe al kura belen epte ma, “Daniñ yen po gwaha yirde hi?” innayin. <sup>24</sup> Nenbe Al Kurun belen hoy diryin gega, al min unkurende mat po ma hoy diryin. Nen kurabe Yuda mar, kurabe al min hoyan Yuda mar mon gayen hoy diryin. <sup>25</sup> Al Kurun belen gwaha diryin goke mere basan almin kura Hosea belen Al Kurunyen mere gahade kayyin:

“Ne belen alya bereya nere ma hinhan goyen

yadeb ‘Nere alya bereya,’ yinenj.  
 Irde al miñ hoyañ goyen bubulkuñne wor po  
 yeñ ma nurd yunenj hinhem goyen yadebe  
 ‘Diriñne yago, bubulkuñne wor po’ yinenj.”  
 yitiñ hi. *Hosea 2:23*

<sup>26</sup> Irdeb,  
 “Naña kurar kura Al Kurunj belenj, ‘Denje nere  
 alya bereya moñ,’ yinyiñde gor po kamebe,  
 ‘Mel gabe Al Kurunj gwahader hitiñ gote alya  
 bereya’ yinyenj,” yitiñ hi. *Hosea 1:10*

<sup>27</sup> Be, Al Kurunjen mere basañ al Aisaia belenj  
 Israel mar niñ gahade tarenj po tagalyiñ:  
 “Israel marbe budam wor po, makañde niñ saw-  
 sawa yara.

Goyenpoga Al Kurunj belenj al tumñañ ma  
 yawaryenj, al tapum muñ po yawaryenj.

<sup>28</sup> Gobe Doyañ Al Kurunj belenj alya bereya megen  
 hañ kurunj goyen hitte mere tiyyiñ gote  
 iginenj aran po forok iryenj geb gogo,” yitiñ  
 hi. *Aisaia 10:22-23*

<sup>29</sup> Mere gobe Aisaia belenj asañmiñ bana goñ  
 mehenj belenbe gahade kayyiñ goya tunñande.  
 Meremiñbe gahade:

“Doyañ Al Kurunj sañiñmiñ kurunj wor po belenj  
 diriñniniñ kura yubul ma tenj tumñañ gwa-  
 muñ yuryiñ manhan  
 nenbe Sodomya Gomoraya taunde niñ mar  
 yara hitewoñ,” yitiñ hi. *Aisaia 1:9*

*Israel marbe Yesu niñ dufaymiñ tarenj ma irde  
 hañ*

<sup>30</sup> Niŋgeb goke teŋ neŋbe gaha po yetek: al miŋ hoyan Yuda mar moŋ, mata huwak teŋ teŋ niŋ dufay ma heŋ haŋ mar beŋ Yesu Kristu niŋ dufaymiŋ tareŋ irdeb Al Kurunŋ diliŋde al huwak hitiŋ haŋ. <sup>31</sup> Munanŋ Yuda marbe Moseyen sabare mata huwak niŋ yitiŋ goyen gama ird ird niŋ kurut yeŋ hanŋyen gega, Al Kurunŋ diliŋde al huwak ma hitiŋ haŋ. <sup>32</sup> Goyenbe Israel mar gobe dahade niŋ al huwak ma hitiŋ haŋ? Mel gobe Yesu niŋ dufaymiŋ saŋiŋ irtiŋeŋbe mata igiŋ teŋ gab al huwak hetek yeŋ nurde hanŋyen geb, gogo soŋ hamiŋ. Gobe al kura hora go ma keneŋbe kukuhuk urde takteŋ mayyeŋ go gwahade yara tiyamiŋ. <sup>33</sup> Goke teŋbe Al Kurunŋyen asaŋde gahade katiŋ hi:

“Ga kennanŋ.

Ne beŋ Yerusalem taunde hora kura kereŋ.

Irkeb albe kukuhuk yurde yakteŋ gasa yiryenŋ.

Irde hora kurunŋ kura kereŋ.

Irkeb albe gore yirkeb yakteŋ gasa yirke kateŋ bulunŋ po henayiŋ.

Gega al kura yeŋ ge dufaymiŋ tareŋ irnayiŋ marbe epte ma memya hetek hinayiŋ,”  
yitiŋ hi. *Aisaia 8:14; 28:16*

## 10

<sup>1</sup> Be, kadne yago, ne bener gabe Israel mar goyen Al Kurunŋ beŋ yumulganŋ tiwoŋ yeŋ nurdeb Al Kurunŋ gusuŋanŋ irde himyen. <sup>2</sup> Mel gobe Al Kurunŋ niŋ metenŋ titek wor po nurde hanŋyen gobe fudinde yeŋ igiŋ tagaleŋ. Gega go teŋ hanŋyen gobe Al Kurunŋbe gwahade yeŋ kenkela

ma bebak tenya gwaha ten hanjen. <sup>3</sup> Mel gobe Al Kurun diliŋde al huwak hen hen belen gobe Al Kurun hitte mat watin goyen ma nurdeb yinŋende saninŋde al huwak hiniŋ yen kurut yen hanjen. Niŋgeb al huwak hen hen belen fudinde goyen gama ma irde hanjen. <sup>4</sup> Goyenbe al kura Yesu Kristu niŋ dufaymin taren iryenbe Al Kurun belen al huwak inyen. Niŋgeb goke tenbe Yesu Kristu belen Moseyen saba goyen pasi kiryin.

<sup>5</sup> Be, Mosebe sabamin gama irde al huwak hen hen goke gahade kayin: “Al kura sabamin gama irde hiyen albe saba gore po taren irke hiyen,” yitin hi. <sup>6</sup> Gega Yesu niŋ dufaymin sanin irde Al Kurun diliŋde huwak hitin marbe gaha yen hinayin: “(Yesu Kristube bikken megen gar katyin gega, go ma nurdeb Yesu ten megen gar katen katen niŋ yen henbe) dindiken ulin, ‘Ganun belen Al Kurunyen gasunde hurkuyen?’ ma yenayin. <sup>7</sup> Irde (Yesu Kristube bikken kamyinde mat huwaryin gega, go ma nurdeb al kamtin gasunde mat Yesu go ten wan wan ge yen henbe) dindiken ulin, ‘Ganun al belen al kamtinde gasunde kurkuyen?’ ma yenayin,” yitin hi. <sup>8</sup> Mere gote minbe gahade: “Al Kurun diliŋde huwak hen hen mere gobe gisaw inor ma hi. Ketaltin de hi, mohontin de hi, irde bitin bana hi.” Mere gobe dufaytin taren ird ird mere, nen belen tagalde tukun hityen gogo. <sup>9</sup> Niŋgeb mere go yitin gwahade po, al kura binde mat wor po Al Kurun belen Yesu go kamtinde mat isan hirin goyen fudinde yen dufaymin taren iryen, irde yinŋen mohonde wor po, “Yesube Doyan Al Kurun,” yiyenbe Al Kurun belen al go

tumulgan tiyyen. <sup>10</sup> Fudinde, al kura Yesu nin binde mat dufaymin sanij irke Al Kurun belen al huwak inyen. Irde dufaymin taren irtin goyen mohonde mat kawan po tagalkeb Al Kurun belen tumulgan tiyyen. <sup>11</sup> Goke tenbe Al Kurunyen asandebe, “Al kura yen ge dufaymin taren irtin marbe epte ma yen ge memya hetek hinayin,” yitin hi. <sup>12-13</sup> Ningeb yitin gwahade po, Yuda mar ma al min hoyan Yuda mar mon goyen tumnan ala Al Kurun belen gwaha yiryen. “Al kura gore Doyan Al Kurun belen faran duri yen hoy irnayin marbe tumnan yumulgan tiyyen,” yirin geb, yenbe al kura faran nin hoy irnayin mar tumnan gote Doyan Al Kurun hiyyen. Irde go mar goyen guram yirde sanij wor po yirde hiyen.

<sup>14</sup> Goyenbe al kura Doyan Al Kurun nin dufaymin taren ma iryenbe daha mat hoy iryen? Irde yende mere momonmin kura mun ma nurtin kenem daha mat yen ge dufaymin taren iryen? Irde yen ge al kura belen ma tagalkeb daha mat nuryen? Epte mon. <sup>15</sup> Irde mere goyen tagal tagal nin hulyan ma yirnayinbe ganun mar belen daha mat mere goyen tagalnayin? Hubu wor po. Goke tenbe gahade Al Kurunyen asande katin hi: “Al kura kun Al Kurunyen mere igin goyen tagalde hiyen al gobe Al Kurun belen igin wor po kinyen,” yitin.

<sup>16</sup> Goyenpoga Yuda marbe tumnan ma Yesu nin yitin mere igin goyen nurde dufaymin sanij iramin. Kura po ga gwaha tiyamin. Ningeb goke tenbe Aisaia belen, “Doyan Al Kurun, mere tagalde hiteke ganun al belen fudinde yen nurde

dufaymiñ taren irnayıñ? Hubu wor po,” yiriñ.  
 17 Niñgeb al kura Yesu Kristu niñ dufaymiñ taren  
 ire yeñbe meremiñ wa nurde gab dufaymiñ sañiñ  
 iryeñ. Goyenbe mere igiñ goyen daha mat  
 nuryeñ? Gobe al kura belen Yesu Kristuyen mere  
 goyen tagalke gab nuryeñ. 18 Goyenbe gusuñañ  
 kura dire? Israel marbe mere igiñ goyen ma  
 nuramiñ? Moñ, nuramiñ. Niñgeb goke teñbe Al  
 Kurunyen asañde gahade katiñ hi:

“Sabamiñbe megen kurun gare nurde tukutiñ ala  
 tiyyiñ.

Irde meremiñbe naña kurun gayen kuñ pasi  
 hiriñ,” yitiñ. *Tikiñ 19:4*

19 Be, sopte gusuñañ kura dire? Israel mar gobe  
 mere gote miñ bebak ma tiyamiñ? Moñ, bebak  
 tiyamiñ. Gega mere goyen harhok unamiñ.  
 Niñgeb goke Al Kurun belen yiriñ goyen bikkeñ  
 Mose belen gahade kayyiñ:

“Nebe alya bereya nere yitiñ moñ goyen  
 yawaren.

Irkeb go yeneñbe bitiñde igiñ ma nurnayiñ.

Irde merene bebak ma titiñ mar goyen yawaren.

Irkeb goke bitiñ ar yiyyeñ,” yitiñ hi. *Saba  
 32:21*

20 Irde Aisaia belen Al Kurunyen mere tagal tagal  
 niñ kafura ma heñbe Al Kurunyen mere goyen  
 kawan po gaha yiriñ:

“Nebe al kura ne niñ ma nanñkeneñ hitiñ mar  
 belen nenamiñ.

Irde ne niñ gusuñañ ma heñ hitiñ mar hitte  
 nigeñ kawan hemeke nenamiñ,” yitiñ hi.

*Aisaia 65:1*

21 Goyenpoga Israel mar niñ tenbe gaha yiriñ:  
 “Wampot mat wañ wañ wawuñ hihi gayen  
 merene gama ma irde tonañ sañiñ wor po  
 heñ hañ mar goyen  
 ne hitte wawoñ yeñ hanne yak irtiñde hime,”  
 yitiñ hi. *Aisaia 65:2*

## 11

### *Al Kurun beñ Israel mar buninjen yiriñ*

<sup>1</sup> Be, Israel marte matabe gwahade geb, Al Kurun beñ alya bereyamin goyen pel yiriñ? Moñ, gwaha ma yiriñ! Nigen wor Israel mar al, irde Abrahamyen asem, irde Benyaminyen\* minde niñ al. <sup>2</sup> Fudinde, Al Kurunbe Israel mar goyen forok ma yekeya basaña yiriñ geb, alya bereyamin go ma pel yiriñ. Be, denbe Al Kurunyen asañde Al Kurunyen mere basañ al Elaia beñ Israel mar niñ igiñ ma nurde Al kurun gusunañ iriñ gote barañminbe bitiñ sir ma yeñ hiyen gogo. <sup>3</sup> Be, Elaia beñ Al Kurun gaha inyiñ: “Doyañ Al Kurun, mere basañ margebe gasa yirke kamañ. Irde ge galak girde hanjen altabe pir yirde pasi hañ. Ne muñ po gab gago hime gega, ne wor mununniñ ten hañ,” inyiñ. <sup>4</sup> Irkeb Al Kurun beñ dahade wol hiriñ? Yeñ beñ gahade wol hiriñ: “Nebe nigen ge Israel mar 7,000 basaña yirmiriñ hañ. Niñgeb mel gobe det toneñ kura Bal inen hanjen goyen ma doloñ irde hañ,” inyiñ. <sup>5</sup> Niñgeb gayenter gayen wor Israel mar bana al kura Al Kurun beñ buninjen

---

\* **11:1:** Benyaminbe Yekop urmiñ weñ 12 bana goñ funañbe gogo.



yirde igiñ igiñ yirde basaña yirtiñ mar kura hañ.  
<sup>6</sup> Mel gobe Al Kurun belen buniñen yirde igiñ  
 igiñ yirtiñ geb, basaña yiryiñ. Mel gote mata igiñ  
 goke ma basaña yiryiñ. Munañ matamiñ igiñ goke  
 Al Kurun belen buniñen yirde igiñ igiñ yiryiñ  
 manhan yeñ belen buniñen yirde igiñ igiñ yiryiñ  
 gobe miñ miñmoñ hewoñ.

<sup>7</sup> Niñgeb Israel mar niñ daha yetek? Mel gobe  
 Al Kurun diliñde al huwak heñ heñ ge kurut wor  
 po yeñ hinhan. Goyenpoga gwahade ma hamiñ.  
 Alya bereya Al Kurun belen yumulgañ tiye yeñ  
 basaña yirtiñ mar gore muñ po gab Al Kurun  
 diliñde al huwak hamiñ. Munañ budam kurun  
 gobe biñ tareñ wor po irde Al Kurunyen mere pel  
 iramiñ. <sup>8</sup> Matamiñ gwahade goke Al Kurunyen  
 asañde gahade katiñ hi:

“Al Kurun belen mel gote dufaymiñ mala tiyyiñ.  
 Irkeb gayenter diliñde Al Kurunyen mere kenen  
 hañ gega, bebak ma teñ hañ.

Irde kirmiñde Al Kurunyen mere nurde hañ gega,  
 wukke ma nurde hañ,” yitiñ hi. *Saba*  
*29:4; Aisaia 29:10*

<sup>9</sup> Irde Dewit belen gaha yiriñ:

“Dula matamiñ gore po yukun bulunđe yukukeb  
 bulun hewoñ.

Irdeb yakteñ gasa yirwoñ.

Mata bulunmiñ gote murunğembe gogo teñ hi-  
 nayiñ.

<sup>10</sup> Go mar goyen diliñ titmiñ heñbe epte ma  
 nankenwoñ.

Irde hugineḡ kanduk kurunḡ bana heḡ pukinḡ werwer po heḡ hiwonḡ,” yitiḡ hi. *Tikinḡ 69:22-23*

<sup>11</sup> Be, Israel mar gwahade haḡ goke gusunḡ kura direḡ. Israel mar yakteḡ gasa yiryenḡ yitiḡ goyenbe fudinde gwaha yirke hugineḡ bulunḡ po heḡbe sopte iginḡ hetek ma henayinḡ? Moḡ! Israel mar gote mata bulunḡ niḡ teḡbe Al Kurunḡ belenḡ al miḡ hoyanḡ Yuda mar moḡ goyen yumulḡanḡ tiyyinḡ. Gogab Israel mar belenḡ go yenenḡbe, “Daniḡ geb neḡbe gwahade ma hite?” yeḡ biḡ huwarwonḡ yeḡ nurdeb gogo Al Kurunḡ belenḡ gwaha yiryinḡ. <sup>12</sup> Be, Israel mar belenḡ mata bulunḡ tiyaminḡ goke teḡ Al Kurunḡ belenḡ al miḡ hoyanḡ megen haḡ kurunḡ goyen iginḡ iginḡ wor po yiryinḡ. Irde Israel mar belenḡ Al Kurunḡyen mere gama ird ird niḡ soḡ haminḡ goke teḡbe al miḡ hoyanḡ Yuda mar moḡ goyen iginḡ iginḡ wor po yiryinḡ. Niḡgeb Israel mar tumḡanḡ Al Kurunḡ hitte mulḡanḡ henayinḡbe Al Kurunḡ belenḡ daha tiyyenḡ? Yeḡbe amanḡenḡ wor po nurdeb al iginḡ iginḡ yiryenḡ gobe kurunḡ wor po, haḡkopya iginḡ iginḡ yiryinḡ gote folek wor po yiryenḡ!

<sup>13</sup> Be, denḡ al miḡ hoyanḡ Yuda mar moḡ goyen mere kura direḡ tihim. Nebe Al Kurunḡ belenḡ al miḡ hoyanḡ Yuda mar moḡ hitte kuḡ merene tagalde hayinḡ ninenḡbe metenḡ go nuntinḡ geb, metenḡne goke turunḡ turunḡ titek hime. <sup>14</sup> Gwaha teḡ himekeb nigen al Israel mar goyen nenenḡbe, “Daniḡ neḡbe gwahade ma hite?” yeḡ biḡ huwarke mel goyen kura Yesu nurd unkeb Al Kurunḡ belenḡ yumulḡanḡ tiwonḡ yeḡ nurde gwaha teḡ himyen. <sup>15</sup> Israel mar belenḡ Al Kurunḡyen

mere pel iramiñ geb, Al Kurun belen mel go harhok yunenbe al miñ hoyañ Yuda mar moñ goyen awalik yiriyñ. Gega Israel mar gore Al Kurun niñ biñ mulgañ hekeb Al Kurun belen yumulgañ ten daha yiryen? Igin wor po yiryen. Go tinayin gobe al kamtinde mat huwartin yara tinayin. <sup>16</sup> Mata gwahade forok yiyyen gobe beret kura Al Kurun unniñ yen kanbe ubala ten parwek dirnen mun kura Al Kurun galak irnayin gobe beret kurun goyen wor tumnan Al Kurunen hiyyen go gwahade goyen. Irde he kura goyen filgininbe Al Kurun belen wukke iryenbe he gote haninya piginya kurun goyen wor wukke henayin go gwahade goyen.

<sup>17</sup> Be, olip he yase gote hanin kura walde yemeydeb olip he duwi kurate hanin tenbe waltinde gore tur irke he duwi gote haninbe he yase gote hanin hirin. Irde olip yase filginin belen fe tulun ten hi goyen olip duwi hanin gor tur irtin goyen wor fimiñ goyen tulun ten gergen hirin. Be, olip duwi hanin gobe den al miñ hoyañ Yuda mar moñ gogo. Munan olip yase hanin gobe Israel mar. Niñgeb Israel mar Al Kurun harhok unamin gote gasunbe den belen tamin. <sup>18</sup> Niñgeb dindiken ge turun turun ten he yase gote hanin waltin Israel mar goyen det dirnen yen ma nurde yunen hinayin. Denbe dulin po tur dirtin han. Den belen olip yase gote filginin† goyen taren ma irde han. Gwahade yarabe filginin gore gab den goyen sanin dirde hi. <sup>19</sup> Goyenpoga den belen

---

† **11:18:** Olip yase filgininbe Israel marte hakwamin Abraham, Aisakyabe Yekopya niñ yitin.

huwardeb, “Gwaha, goyenbe olip yase gote hanin Israel marbe ban yen katin yara geb, nen gare gasunmin titin go,” yen han. <sup>20</sup> Be, gobe fudinde gega, mel gobe Yesu nin dufaymin taren ma yirkeb gogo walde yimiyyin. Munan denbe yen ge dufaytin taren irtinde matbe gogo gasunmin tamin. Den wor Al Kurun belen Israel mar pel yiryin gwahade goyen diryen geb, dindiken ge turun turun ma ten kafura hen ga hinayin. <sup>21</sup> Al Kurun belen he yase gote hanin wor po goyen yen ge dufaymin sanin ma yirkeb walde yimiyyin. Ningeb den olip duwi hanin dulin dawan gor tur dirtin goyen Al Kurun nin dufaytin taren ma yirnayinbe walde demey demeyinbe metenen mon geb, dindigen ge turun turun ma ten kafura hen ga hinayin.

<sup>22</sup> Ningeb Al Kurunbe igin igin po ma diryen, bulun dirtek goke manan nurde ga hinayin. Yenbe al kura meremin gama ma irde hinayin marbe bulun yiryen. Munan den yen ge dufaytin taren irtin marbe igin igin diryen. Munan gwahade ma tinayinbe den wor walde dimiyyen. <sup>23</sup> Be, Israel mar Al Kurun belen bikken walde yimiyyin goyen yen ge dufaymin sanin ma yird yird mata goyen tubul tinayinbe Al Kurun belen yadeb olip heminde sopte tur yiryen. Al Kurunbe gwaha yird yird taren minyan geb, igin gwaha yiryen. <sup>24</sup> Denbe olip duwi hanin yara gega, Al Kurun belen olip yasere gor tur dirkeb he gote haninde geren hamin. Ningeb Israel mar olip yase gote hanin wor po goyen gasunende sopte tur ird irdbe metenen mon wor po. Aranen po

tur iryen.

*Al Kurunbe al tumnan buninen yirde hiyen*

<sup>25</sup> Be, kadne yago, mere kura banare nin goyen denbe kenkela bebak tiwon yen nurde hime. Gogab dufaytin wukkeken yen dindiken ge turun turun ma ten hinayin. Be, merebe gahade: Israel mar belen bin taren irde Al Kurunyen mere pel irde han gobe huginen ge mon. Go ten han gobe al min hoyan Yuda mar mon goyen Al Kurun belen dufayminde gwahade wanayin yen nuryin goyen wan ep heke gab bada hen Al Kurun nin bin mulgan henayin. <sup>26</sup> Irkeb Al Kurun belen Israel mar goyen tumnan yumulgan tiyyen. Ningeb goke tenbe Al Kurunyen asande gahade katin hi: “Yumulgan ten ten Albe Yerusalem‡ mat forok yiyyen.

Yen belen Yekopyen minde nin marte mata bulun goyen yad sin ya yiryen.

<sup>27</sup> Goya goyenbe mata bulunmin halde yunen. Gabe mel go hitte bin timirin go goyen,” yitin hi. *Aisaia 59:20-21; 27:9*

<sup>28</sup> Be, gayenter gayen Israel mar gobe Yesu nin yitin mere igin goyen pel irde han geb, mere igin gobe den al min hoyan Yuda mar mon hitte kukeb gogo nurde han. Mata gobe den ge ten forok yitin geb, gogo Israel mar gore Al Kurun asogo irde han. Gega Israel marbe asem wen Abraham, Aisakyabe Yekopya goke tenbe Al Kurun belen basina yiryin geb, gayenter wor Israel mar goyen bubulkunne wor po yen nurd yunen hi. <sup>29</sup> Al Kurunbe alya bereya nigen yen basina yirde

---

‡ 11:26: Kurabe Saion.

guram yirde sanıñ yiryenbe go ma sopte tarenmiñ tumulğan tiyyen geb, gogo Israel mar niñ amanen nurde hiyen. <sup>30</sup> Munan den al miñ hoyan Yuda mar monbe bikken Al Kurunyen mere gama ma irde hinhan gega, Israel mar gore meremiñ gama ma irkeb gayenter Al Kurunyen buninen dufaybe den hitte hi. <sup>31</sup> Niñgeb Israel mar Al Kurunyen mere gama ma irde han goyen wor Al Kurunbe den Yuda mar mon goyen buninen diryin gwahade goyen po yiryen. <sup>32</sup> Al Kurun belen alya bereya buninen yirde igin igin ma yiryenbe epte ma mata bulun bana mat sinare katnayin goyen yikala yiren yenbe nurtinde po alya bereya tumnan yubul tike meremiñ pel irtinde po hinhan.

<sup>33</sup> Fudinde, Al Kurunyen buninen dufayya dufay wukkekminyabe kurun wor po. Yenbe det kuran ma wor po amu hen hiyen. Niñgeb ganun al belen dufay kerde hiyen goyen gwahade gwahade yen tagalnayin? Irde ganun al belen mataminbe gwahade yen bebak tinayin? Hubu wor po! <sup>34</sup> Niñgeb goke tenbe Al Kurunyen asande gahade katin hi:

“Ganun belen Doyan Al Kurunyen dufay kenen bebak tiyyen? Epte mon.

Ganun belen dufay igin kura unyen? Epte mon,”  
yitin hi. *Aisaia 40:13*

<sup>35</sup> Irde,

“Ganun belen Al Kurun det kura untin geb, gote wolminen untek hi? Hubu wor po,” yitin hi. *Yop 41:11*

<sup>36</sup> Fudinde, det kurun̄ gabe Al Kurun̄ hitte mat po watin̄, irde yen̄ belen̄ po yiryin̄. Irde det kurun̄ gabe yen̄ belen̄ po gab pasi kiryen̄. Niñgeb yen̄ po ga hugin̄en̄ denem turun̄un̄ yan̄ irde hitek! Fudinde wor po.

## 12

### *Yesuyen alya bereyat mata gergen̄*

<sup>1</sup> Niñgeb, kadne yago, Al Kurun̄ belen̄ nen̄ gayen bunin̄en̄ wor po dirde hiyen geb, mere taren̄ po diren̄ tihim: megen henya dindiken̄ goyen det kura Al Kurun̄ galak irtin̄ yara Al Kurun̄ unnayin̄. Gwaha irnin̄ yen̄be dindiken̄ goyen Al Kurun̄ dilin̄de wukkeke, yen̄ belen̄ aman̄en̄ nurtek mat po mata ten̄ hinayin̄. Mata gwaha ten̄ hinayin̄ gobe Holi Spirityen san̄in̄de Al Kurun̄ dolon̄ ird ird matabe gogo ten̄ hinayin̄. <sup>2</sup> Irde megen nin̄ marte mata go ma gama irde hinayin̄. Gwaha titnen̄be dufaytin̄ gergen̄ igin̄ po yirde matatin̄ hoyan̄ ten̄ hinayin̄. Gwaha irde gab Al Kurun̄yen dufay goyen kenen̄ bebak ten̄ hinayin̄. Al Kurun̄yen dufayde det damin̄be igin̄, mata dahadebe Al Kurun̄ belen̄ aman̄en̄ nurde hiyen, irde mata damin̄be Al Kurun̄ dilin̄de bulun̄ min̄mon̄ goyen yenen̄ ken̄kela bebak ten̄ hinayin̄.

<sup>3</sup> Be, Al Kurun̄ belen̄ bunin̄en̄ nirde igin̄ igin̄ nirde meten̄min̄ nuntin̄ geb, den̄ han̄ kurun̄ goyen mere kura diren̄ tihim. Merebe gahade: den̄ bana goyen al kura yingen̄be al gwahade mon̄ gega, nebe al gwahade yen̄ yingen̄ ge turun̄ turun̄ ma ten̄ hiyen. Gwaha titnen̄be Al Kurun̄ nin̄ dufaytin̄ taren̄ ird ird goyen bitin̄ bana kirtin̄ gobe

dahade, kurun ma dirnen goyen kenkela dufay hen bebak ten gab den dunkenen dunkenenbe dahade han goyen nurde hinayin. <sup>4</sup> Gobe nen kurun gabe ulninin pigin manan, irde ulninindebe det kurayen kurayen goyen gor han geb, gago dinen hime. Be, det gobe meten unkenen po ma ten han, hoyan hoyan ten han. <sup>5</sup> Ningeb gwahade goyen po, nenbe budam wor po gega, Yesu Kristuya henbe Yesuyen ulin pigin po hitin hite. Irde nen dunkenen dunkenenbe Yesuyen alya bereya hoyan hoyan goyen faran yurd yurd nin hite. <sup>6</sup> Goke tenbe nen kurun gabe Al Kurun belen buninen dirde igin igin dirdeb Holi Spirityen taren forok ird ird mata kurayen kurayen goyen nende gigen duntin hite. Gwahade duntin gobe Al Kurun belen nen dunkenen dunkenen damin dunen yen dufaymin kirtin goyen po gama irde dunen hiyen. Ningeb al kura Al Kurunen mere basan hen tagal tagal mata minyan kenem Al Kurun nin heken nurde hitin gobe kurun ma dirnen goyen kenen bebak ten gab metenbe goyen tunande po meten ten hiyen. <sup>7</sup> Al kura al hoyan faran yurd yurd sanin titin kenem go taren titin goyen gama irde al faran yurde hiyen. Munan al saba yird yird taren titin kenem yen wor gwahade po, saba yirde hiyen. <sup>8</sup> Be, al kura al hoyan kanduk yenke sanin yird yird taren titin kenem gwahade po ten hiyen. Munan al kura al hoyan det yunen yunen taren titin kenem wilaknen nurdeya det al yunen hiyen. Irde al kura doyan al hen hen taren titin kenem al gobe yul ma yenbe al hoyan kenkela doyan yirde hiyen.



Irde al kura al hoyañ bunineñ yird yird sañiñ titiñ kenem al gobe amanñ dufay hende gwaha teñ hiyeñ.

*Kadtiñ ge amanñeñ nurd yuneñ hinayiñ*

<sup>9</sup> Be, denbe al hoyañ niñ amanñeñ nurd yuneñyabe bitiñde mat fudinde wor po gwaha teñ hinayiñ. Irde mata bulunbe harhoktiñ yuneñ, mata igiñbe tareñ po yanarde hinayiñ.

<sup>10</sup> Kadtiñya kadom amanñeñ nurd guneñ teñ eke merere po hinayiñ. Irde dindiken turuñ yir-tiñeñbe kadtiñ yago wa turuñ yirde hinayiñ.

<sup>11</sup> Be, Al Kurunyen meteñ teñ teñ niñ piñeñ ma heñ hinayiñ. Tareñ po heñbe bitiñ bana mat wor po Al Kurunyen meteñ teñ hinayiñ.

<sup>12</sup> Irde Al Kurun beñeñ igiñ diryeñ yeñ goke doyañ henya amanñeñ po nurde hinayiñ. Kanduk bana henyaabe Al Kurun beñeñ kanduk go pasi iryeñ yeñ doyañ heñ heñ niñ piñeñ ma heñ hinayiñ. Irde hugiñeñ Al Kurun mere irde hinayiñ. <sup>13</sup> Be, Al Kurunyen alya bereya kura det kurañ amu heñ hike yeneñbe dettiñ kura yuneñ hinayiñ. Irde al hoyañ yatiñde wakeb gargar yirde hinayiñ.

<sup>14</sup> Be, al kura bulun bulun dirde hinayiñ mar goyen Al Kurunyen tareñde guram yirde sañiñ yirde hinayiñ. Sopte dineñ hime. Al goyen guram yirde tareñ yirde hinayiñ, karan ma yurde hinayiñ. <sup>15</sup> Irde alya bereya amanñeñ nurde hikeb deñ wor yeñ nurnayiñ gwahade goyen po amanñeñ nurde hinayiñ. Irde alya bereya esen hikeb deñ wor yeñ nurnayiñ gwahade goyen po nurde esen hinayiñ. <sup>16</sup> Dindiken uliñbe awalikde hinayiñ. Irde dindiken ge turuñ turuñ ma teñbe

al mali denem moŋ mar goya awalik heŋ heŋ niŋ amanen nurde hinayiŋ. Irde, “Neŋbe dufay wukken epte hite,” yeŋ ma nurde hinayiŋ.

<sup>17</sup> Be, al kura belen buluŋ buluŋ dirkeb wol hihim yeŋ buluŋ ma irde hinayiŋ. Al tumŋan diliŋde mata igiŋ po teŋ teŋ niŋ kenkela heŋ ga hinayiŋ. <sup>18</sup> Irde bitiŋ kamke al hoyanya tumŋan awalikde heŋ heŋ belneŋ kura hike kenem gwahade heŋ heŋ ge kurut wor po yeŋ hinayiŋ. <sup>19</sup> Kadne yago, al kura belen buluŋ dirkeb wol ma heŋ hinayiŋ. Gwaha titneŋbe Al Kurun haniŋde kerde hinayiŋ. Irkeb yeŋ belen gab al goke bearar teŋ muruŋgem buluŋ unyeŋ. Al Kurunyen asaŋde Doyaŋ Al Kurun belen, “Buluŋ diran mar goyen wol heŋ heŋ gobe nere meten. Ne belen gab matamiŋ gote muruŋgem yunen,” yiriŋ geb, gago diniŋ hime. <sup>20</sup> Niŋgeb Al Kurun belen, “Asogoge kura biŋge kamke yeneŋbe biŋge yunen hayiŋ. Fe niŋ yirkeb fe yunen hayiŋ. Gwaha teŋ hayiŋ goyen geneŋbe mel gobe memya niŋ yumu henayiŋ. Gobe kak kulum bok yeŋ hitiŋ yade al go tonan hende yerayiŋ go gwahade goyen,” yitiŋ geb, wol ma heŋ mata igiŋ gwahade po teŋ hinayiŋ. <sup>21</sup> Mata buluŋ belen fole dirtek ma hinayiŋ. Gwahade hitneŋbe mata igiŋ po teŋ hinayiŋ. Irkeb goreb mata buluŋ fole irde hiyeŋ.

## 13

### *Doyaŋ mar karkuwaŋ palap yirde hinayiŋ*

<sup>1</sup> Be, gabmanbe Al Kurun belen kerdeb alya bereya doyaŋ yird yird saŋiŋ untiŋ geb, den kurun gobe doyaŋ martiŋde yufukde heŋ meremiŋ

gama irde hinayiņ. <sup>2</sup> Munaiņ doyaiņ marte mere pel irde haņ mar gobe yeņ goyen po ma asogo yirde haņ. Gobe Al Kuruiņ, gabman goyen kerde tareņ untiņ al goyen asogo irde haņ. Niņgeb gwaha teņ haņ marbe yiņgeņ kanduk yawar-nayiņ. <sup>3</sup> Doyaiņ marbe mata igiņ teņ haņ mar goyen buluiņ yirtek ma nurdeb mata buluiņ teņ haņ mar go po gab buluiņ yird yird niņ nurde haņyen geb, gogo doyaiņ marte mere nurde hinayiņ dineiņ hime. Deņbe doyaiņ martiņ beleiņ buluiņ dird dird niņ kafura heņ haņ kenem mata huwak po teņ hinayiņ. Irkeb turuiņ dirde hinayiņ. <sup>4</sup> Mel gobe keperd keperdtiņ igiņ ird ird niņ Al Kuruiņ beleiņ meteiņ yuntiņ geb, gogo mata huwak teņ hikeb turuiņ dirde hinayiņ. Gega doyaiņ mar gobe mata buluiņ gote muruiņgem duneiņ duneiņ tareņ miņyaiņ geb, mata buluiņ tinayiņbe mel goke kafura henayiņ. Mel gobe Al Kuruiņ beleiņ mata buluiņ teņ haņ mar goyen beararmiņ yikala yird yird meteiņ yuntiņ geb, mata buluiņ mar goyen muruiņgem buluiņ yuneiņ haņyen. <sup>5</sup> Niņgeb goke teņbe doyaiņ martiņde mere gama irde hinayiņ. Go teņ hinayiņ gobe doyaiņ martiņ beleiņ buluiņ dird dird niņ kafura henya po ga ma teņ hinayiņ. Mata igiņ teņ teņ dufay gama ird ird niņ bitiņde wukken wor po nurdeya ga teņ hinayiņ.

<sup>6</sup> Niņgeb goke teņbe teks wor yerde hinayiņ. Doyaiņ marbe alya bereya doyaiņ yird yird meteiņ yuntiņ geb, teks go yadebe gore po alya bereya faraiņ yurde haņyen. <sup>7</sup> Niņgeb deņ tumņaiņ da kura gabman haniņde kertek gobe kerde hinayiņ. Teks kurayen kurayen yertek haņ kenem yerde

hinayiñ. Munañ kafura yirtek marbe kafura yirde hinayiñ. Irde palap yirtek yenenbe palap yirde hinayiñ.

*Kadtin ge amanen nurde yunen hinayiñ*

<sup>8</sup> Be, al kura hitte kuñ det kura niñ gusuñan irde yawartin kenem arañen po wol heñ hinayiñ. Irkeb gog po hubu hiyyen. Goyenpoga wol heke hubu ma hetek det kurabe kadtin ge amanen nurd yunen yunen mata gogo geb, huginen gwahade po ten hinayiñ. Al kura kadom ge amanen nurde unen hi al gobe Moseyen saba kurun gote miñ goyen gama irde pasi irde hiyen geb, gogo kadtin ge amanen nurde yunen hinayiñ dinen hime. <sup>9</sup> Moseyen sabarebe, “Al berem yan belen bere hoyan ma duwan irde hiyen. Bere wor gwahade po ten hinayiñ. Irde al ma gasa yirke kamde hinayiñ, kawe ma ten hinayiñ, kadtin igin hike kenenbe daniñ nebe gwahade mon yen ma nurde hinayiñ,” yitin. Irde saba go banabe mere sanin hoyan manan han. Goyenbe saba bana mere tareñ han kurun gote miñ wor pobe mere unkenen gago po: “Gigen ge amanen nurde hayen gwahade goyen po, al hoyan niñ manan gwahade po nurde yunen hayin,” yitin go goyen. <sup>10</sup> Al kura kadom ge amanen nurd yunen hiyen al gobe epte ma kadom bulun yiryen. Goke tenbe al kura kadom ge amanen nurd unyen al gobe Moseyen saba kurun goyen gama ird pasi hiyyen yihim gago.

*Nalu funanbe binde heñ hi*

<sup>11</sup> Be, den gayenterbe da nalure han goyen nurde han geb, gago mata igin gwahade ten

hinayiñ dinhem. Hanƙapya den beley Yesu Kristu niñ dufaytiñ tareñ iramiñ goyenter mat wañ wañ gayenterbe yeñ beley dumulgañ tiyyeñ nalu funañ goyen binde wor po heñ hi. Niñgeb dufaytiñde firtiñ yara hañ goyen bitiñ bak yetek nalu gobe bikkeñ binde hihi geb, huwarnañ. <sup>12</sup> Mata buluñ gobe wawuñ kidoma yara goyen hubu heweñ tiya. Irkeb naña fay urde wuk yeweñ tiya geb, kidoma bana niñ mata buluñ gobe yubul po teñbe Al Kurunyen mata hulsi yara goyen tanarde hinayiñ. Gobe fulenore niñ amil ain beley po irtiñ goyen hor titiñ yara teñ hinayiñ. <sup>13</sup> Niñgeb fareñde hañ marte mata igiñ po teñ hinayiñ. Irde dula mata po teñ teñ mata, fe nene kukuwa heñ heñ mata, lelep mata, kari buluñ buluñ teñ teñ mata, irde ard ard matayabe kadom igiñ mat hike goke biñ ar yeñ yeñ mataya goyen ma po teñ hinayiñ. <sup>14</sup> Gwaha titneñbe Doyañ Al Kurun Yesu Kristuya heñ yeñ beley mata igiñ teñ hiyen gwahade po teñ hinayiñ. Irde megen niñ dufay buluñ go gama irde ulitiñde aman heñ heñ niñ ma nurde hinayiñ.

## 14

### *Kaditiñde mata niñ mali ma tagalde hinayiñ*

<sup>1</sup> Be, den hañ bana goyen al kura dufaymiñ Al Kurun niñ sañiñ irtiñ goyen tareñ wor po ma hike yeneñbe goke ma nurde awalik yirde hinayiñ. Irde dufaymiñ kura goke mel goya kadom moñde ma teñ hinayiñ. <sup>2</sup> Al kurabe Al Kurun niñ dufaymiñ tareñ irtiñ goyen kurun geb, det kurun

gabe iginj ala netek yej nurde hanyen. Goyen-poga al kurabe Al Kurunj nin dufayminj saninj irtinj goyen hako po hanj geb, paninj po gab iginj nen hitek yej hanyen. <sup>3</sup> Nijgeb al kura det kurunj gabe iginj nene hitek yej hinayinj mar belej paninj po nene hinayinj mar goyen, “Dufaytinjbe tarenj monj,” yej yenenj tagal yunenjbe al goyen go ma yenheth yenheth ma yirde hinayinj. Irde paninj po nene hinayinj mar belej det kurunj gayen iginj ala nene hinayinj mar goyen, “Denjbe bulunj tenj hanj,” yinenj merer ma yirde hinayinj. Mel gobe tumnanj Al Kurunj belej bikkenj iginj ala yintinj hanj geb, gago dinenj hime. <sup>4</sup> Denjbe al ganunjen tarenjbe al hoyande metenj mar tagal yunenj hanj? Mata gobe bulunj wor po! Nijgeb metenj mar gobe Doyanj Alminj belej gab mel gote mata yenenjbe iginj ma bulunj yinyenj. Doyanj Al Kurunjbe mel go iginj saninj yiryenj geb, tarenj po huwarnayinj.

<sup>5</sup> Gwahade goyen po, al kurabe nalu kura po gab nalu kenkelak, Al Kurunjen nalu yej nurde hanyen. Goyenbe al kurabe nalu tumnanj iginj ala tunjande po yej nurde hanyen. Goyenbe goyen goke kadam mohonde ma tenj hinayinj. Nalu kuranj dahade kura nurde hinayinj gobe yingenj binjbe po hiyenj. <sup>6</sup> Fudinde, nalu kura po gab nalu kenkelak Al Kurunjen nalu yej nurde hanyen marbe Doyanj Al Kurunj turunj ird ird ninj gwaha tenj hanyen. Irde al kura det kurunj gab iginj netek ala yej hanyen mar wor binjbe goke Al Kurunj iginj nurd unenj gab nene hanyen geb, go mata gore Al Kurunj turunj irde hanyen. Irde al kura det kura kutnja irde hanyen marbe go tenj hanyen

goreb Al Kurun turun irde det kutna irtin goke Al Kurun igin nurd unen hanjen. <sup>7</sup> Neñ kurun gayen hitek ma kamtek wet kurun gobe nindiken ge ma hitek, Doyan Al Kurun nin ten hitek geb, gogo ten hityen. <sup>8</sup> Ningeb dilninin gergen hitek gabe Doyan Al Kurun nin po tenbe hitek. Irde kamtek wor yen ge po ten kamtek. Ningeb dilninin gergen hitek wet ma kamtek wet kurun goyen tumnan nenbe Al Kurunen alya bereya po geb.

<sup>9</sup> Be, goyen goke tenbe al kamtinya dilin gergen hanya kurun gote Doyan Al Kurun hewen yenbe Yesu Kristu gogo megen gar katen kamde sopte huwaryin. <sup>10</sup> Ningeb denbe daniñ geb kadtiñde mata yenen goke merer yirde han? Irde daniñ geb kadtiñ goyen al taren minmon yen yenen tagal yunenbe al goyen ma yenhet yenhet yirde han? Nenbe tumnan Al Kurun dilinde merere huwartek geb, gwaha ma ten hinayin. <sup>11</sup> Neñ tumnan Al Kurun dilinde merere huwartek goke Al Kurunen asande gahade katin hi:

“Doyan Al Kurunbe gaha yen hi:

‘Fudinde wor po nebe gwahader himyen.

Megen nin mar tumnan ne hitte wan dokolhon yugulun tinayin.

Alya bereya tumnan, “Gebe Al Kurun,” nin-nayin,’ ” yitin hi.

*Aisaia*

*45:23*

<sup>12</sup> Goke tenbe yitin gwahade po, neñ kurun gabe nende gigen mataninin Al Kurun momon irnin.

<sup>13</sup> Ningeb, kadnininde mata yenen goke ma tagalde hitek yen dufay sanin po kertek. Irdeb mata gwaha titeke al kadtiñ dufaymin bulun heke mata bulunde katnak yenbe mata gwahade

ma titek yeŋ dufay tareŋ po kerde ga mata teŋ hinayiŋ. <sup>14</sup> Nebe Doyaŋ Al Kurunŋ Yesuya har geb, dufaynerbe det kurunŋ gayenbe tumŋaŋ Al Kurunŋ diliŋde tikiŋ miŋmoŋ yeŋ nurde hime. Goyen-poga al kura belenŋ det kurabe Al Kurunŋ diliŋde tikiŋ miŋyaŋ yeŋ nurde haŋ kenem yeŋ hitte po ga det gobe tikiŋ miŋyaŋ hiyyeŋ. <sup>15</sup> Niŋgeb den belenŋ biŋge kurunŋ gabe Al Kurunŋ diliŋde igiŋ ala po yeŋ nurde nene hinayiŋ. Gega kadtiŋ kura gwahade ma nurde hiyen gore denenbe biŋde kandukŋenŋ nurde hiyenbe mata gobe kadtiŋ ge amanenŋ nurd yunenŋ yunenŋ mata goyen gama ma irdeb gogo teŋ hinayiŋ. Niŋgeb biŋge kura nenayiŋ goke teŋbe kadtiŋ kura Yesu Kristu yeŋ ge teŋ kamyiŋ gote dufaymiŋ buluŋ ma irnayiŋ. <sup>16</sup> Irde dufaytiŋde mata kurabe igiŋ yeŋ nurde hinayiŋ gega, al kura mata gobe igiŋ moŋ yeŋ nurde hike kenenbe mata go ma teŋ hinayiŋ. <sup>17</sup> Al Kurunŋ belenŋ alya bereya doyaŋ yird yird bana goŋbe biŋgeya feya nen nen mata gobe det kurunŋ moŋ geb, gago dinenŋ hime. Munanŋ dawet kurunŋ wor pobe Al Kurunŋ diliŋde huwak heŋ heŋ mataya biŋ kamke igiŋ heŋ heŋ matayabe Holi Spiritya heŋ amanŋ heŋ heŋ mataya go goyen. <sup>18</sup> Fudiŋde, al kura mata gwaha mat Yesu Kristu niŋ metenŋ teŋ hiyenbe matamiŋ goke Al Kurunŋ belenŋ amanenŋ nurde hiyenŋ, irde al hoyanŋ wor al gote metenŋ goke turunŋ irde hinayiŋ.

<sup>19</sup> Niŋgeb nenbe bininiŋ kamke heŋ heŋ mataya kadam tareŋ gird gird mataya goke kurut wor po yeŋ hitek. <sup>20</sup> Munanŋ dula matatiŋ ge teŋ Al Kurunŋyen metenŋ buluŋ ma irde hinayiŋ. Biŋgebe



tumnañ Al Kurun diliñde wukkek geb, netek igin ala. Goyenpoga al kadinin kura binje goyen ma nene hitin neteke denenbe dufaymin bulun heke mata bulunde katyen go gab bulunbe gogo titek. <sup>21</sup> Niñgeb kadin kura matatin kenenbe mata bulunde katnak yenbe dapña wet ma wain wet kura goyen go ma nene hinayin. Matatin hoyan kura gwaha yirtek han kenem goyen wor gwaha ma ten hinayin. Gwaha ten hinayin gobe Al Kurun diliñde mata igin geb, gago dinen hime. <sup>22</sup> Dufaytinde binje ma wain ma mata kura goke igin ala yen nurde hinayin kenem dufaytin goyen denya Al Kurunya hitte po hiyen. Al kura mata kura igin yen nurde ten hiyen irde goke mata bulun tihim yen binde bulunen ma nurde hiyen al gobe Al Kurun belen guram irde sanin iryen. <sup>23</sup> Gega al kura binje kura Al Kurun diliñde wukkek mon yen nurde kama hen hen ga niyyenbe gobe yingen ulinde merem yan hiyyen. Gobe dufayminde mata gwahadebe igin mon yen taren wor po ma irtin geb, dufay budam forok yitinde mat niyyen geb, gogo yingen ulinde merem yan hiyyen. Niñgeb al kura mata kura igin ma bulun goyen kenkela bebak ma tenbe goke dufaymin taren ma irdeya mata goyen tiyyenbe mata bulun minyan hiyyen.

## 15

### *Kadin ge nurdeya ga mata ten hinayin*

<sup>1</sup> Be, denya nenya Al Kurun nin dufayninin sanin irtin goyen kurun hitin marbe kadinin dufaymin taren wor po ma hitin gore mata kura

son hekeb faran yurde hitek. Irde nindiken aman hetek belen po ma gama irde hitek. <sup>2</sup> Nen dunken dunken kurun gayen tumnan kadninin igin hen hen ge nurdeb yen aman hetek irde taren hetek mata goyen po ten hitek. <sup>3</sup> Yesu Kristu wor yingen amanen hen hen ge ma nurde hinhin. Gwaha titnenbe Al Kurunyen asande, “Al Kurun, al belen nyan girde han gobe ge ma girde han, ne nirde han,” yitin hi. <sup>4</sup> Mere gobe nen gayen saba diren yen bikken wor po Al Kurunyen asande katin. Gobe nen belen mere go nurdeb kanduk yenen mukku ma ten goya goya sanin po hen kame Al Kurun belen igin diryen yen goke doyan hen hinayin yen gogo katin. <sup>5</sup> Ningeb den goyen kanduk yenen mukku ma ten goya goya sanin po hen huward huward taren goyen dunen hiyen al Al Kurun gore guram dirkeb dindiken ulin dufay unken po hen awalikde po hiwon yen nurde hime. Go mata gobe Yesu Kristuyen alya bereya belen titek mata yen nurde hime. <sup>6</sup> Gogab dufaytinja meretinja unken po yirdeb Doyan Al Kuruninin Yesu Kristuyen Nanin, Al Kurun denem turnun yan irde hinayin.

<sup>7</sup> Ningeb Yesu Kristu belen den goyen igin dinyin gwahade goyen po, Al Kurun denem turnun yan ird ird nin tenbe dindiken ulin kadam igin genen ten hinayin. <sup>8</sup> Yesu Kristube Al Kurun belen hakot Yuda marte hakwamin yago hitte bin tiyyin goyen fudinde kawan forok yeke Yuda mar belen kenen bebak ten ten ninbe gogo Yuda mar gote meten al hen megen gar katyin geb, gogo kadam igin nurd gunen ten hinayin dinen hime.

<sup>9</sup> Be, Yesu megen gar katyiñ gobe al miñ hoyañ Yuda mar moñ belen kenenbe Al Kurun belen bunineñ yirde hiyen goke denem turnuñ yañ irde hinayiñ yenbe gogo megen gar katyiñ. Niñgeb goke tenbe Dewit belen Al Kurunyen asañde tikiñ kura gahade kayyiñ:

“Niñgeb ne gayen al miñ hoyañ Yuda mar moñ kahal bana heñ turuñ girde heñ. Denge isañ heñ heñ ge tikiñ hewen,” yitiñ hi.  
*Tikiñ 18:49*

<sup>10</sup> Irde kurabe:

“Al miñ hoyañ Yuda mar moñ, denbe alya bereyamiñ Yuda marya aman henañ,” yitiñ hi. *Saba 32:43*

<sup>11</sup> Be, mere hoyañbe gahade:

“Den al miñ hoyañ Yuda mar moñbe tumñañ Doyañ Al Kurun turuñ irde hinayiñ. Den alya bereya megen hañ tumñañ turuñ irde tikiñ henayiñ,” yitiñ hi. *Tikiñ 117:1*

<sup>12</sup> Irde Aisaia belen gahade kayyiñ:

“Yesiyen\* miñde niñ al kura forok yiyyen. Yen belen al miñ hoyañ Yuda mar moñ doyañ yiren yen wayyen. Irkeb mel gobe yen belen wañ igiñ yird yird niñ doyañ heñ hinayiñ,” yitiñ hi. *Aisaia 11:10*

<sup>13</sup> Be, Al Kurunbe den igiñ dird dird goke doyañ heñ heñ taren duntin. Niñgeb den belen yen ge hekken nurde hike Al Kurun belen goke aman dufay kurun wor po dunwon, irde bitin

---

\* **15:12:** Yesibe Israel marte doyañ al kurun Dewit naniñ.

yisikamke igiñ hiwon yeñ gusuñan irde hime. Gogab Holi Spirityen sañinde Al Kurun beleş kame igiñ diryen goke doyan heñ heñ matatin gobe tareñ wor po hiyyen.

*Pol beleş asañ ga kayyiñ gote miñ momon yiryiñ*

<sup>14</sup> Be, kadne yago, nebe fudinde wor po den goyen mata igiñ kurun teñ hanyen, irde Al Kurunyen mere nurd pasi hitiñ hañ, irde epte dindiken uliñ kadom saba gird teñ hitek hañ yeñ nurde hime. <sup>15</sup> Gega asañ ga kañ heñyabe saba kura goke bitiñ bak yeñ yeñ ge kayhem. Irde Al Kurun beleş buninen nirde igiñ igiñ nirde hiyen geb, merene gake den beleş dahade nurd nunayin yeñ kafura ma heñya kawan po kayhem. <sup>16</sup> Fudinde, Al Kurun beleş buninen nirde igiñ igiñ niryen geb, al miñ hoyan Yuda mar moñ hitte kuñ meten teñ hiyen yeñ Yesu Kristuyen meten al niryin. Niñgeb nebe Al Kurunyen mere igiñ Yesu niñ yitiñ goyen tagalde tukuñbe Al Kurun doloñ ird ird mata doyan al pris yara heñ al miñ hoyan Yuda mar moñ goke meten teñ himyen. Gogab al miñ hoyan Yuda mar moñ gobe Holi Spirit beleş wukkekk wor po yirke Al Kurun galak irke aman hetek det yara henayin.

<sup>17</sup> Niñgeb nebe Yesu Kristuya heñbe Al Kurun niñ meten teñ himyen goke nigen ge turnun yan nurde hime. <sup>18</sup> Gega nebe det hoyan kura goke mali mere titek ma nirde hi. Yesu Kristu beleş meten titiñ goke po tagalde heñ. Nebe yeñ beleş hulyan nirke kuñ al miñ hoyan Yuda mar moñ goyen Al Kurun hitte yukumeke meremin gama irde hinhan. Meten go teñ hinhemyabe

Al Kurunjen merere saba yirde mataner mat Al Kurunj yikala yirde hinhem. <sup>19</sup> Irde Holi Spirityen tarende mata tinen turunj yan wor po kurayen kurayen forok yirde hinhem. Irkeb mel gobe mata goyen yenenbe Al Kurunj hitte wan hinhem. Ningenbe nebe gwahade po Yesu Kristu nin yitin mere igin goyen Yerusalem mat min urde tukun tukun Ilirikum nana bana tagalde tukun pasi himirin. <sup>20</sup> Nebe nana kura Yesu Kristuyen mere momon ma nurde hitin bana gon kun mere igin goyen huginen tagalde hitek nirde hiyen. Gogab al kura bejen bikken kun meten ten Yesuyen alya bereya forok yirtinde gor sopte nana tinden meten titin yara ma tiyen. <sup>21</sup> Go ten himyen gobe Al Kurunjen asande katin gwahade po ten himyen. Mere gobe gahade:

“Al kura yende mere momon ma nurtin mar bejen kennayin.

Al kura yende mere ma nurtin mar bejen nurde bebak tinayin,” yitin hi. *Aisaia 52:15*

### *Rom kun kun nin yirin*

<sup>22</sup> Be, yitin gwahade po nebe meremin ma kutin nana bana gan meten budam forok yen hanjen geb, gago den hitte kun kun nin metenen nirde hiyen. <sup>23</sup> Gega nana gayen bana tiyun kura ne kun meten titek kuram mon, irde dama budam den dentek wor po nirde hiyen geb, <sup>24</sup> Spein nanare kun henyabe den hitte forok yen denen gab kwen yen nurde hime. Bejen goyan gore kun henyabe den hitte kunbe denya mun kura hen aman hen gab dubul ten kwen. Irkeb ne gayen Spein nanare kun kun nin faran nurwon

yeŋ nurde hime. <sup>25</sup> Munanŋ gayamuŋ gayenbe Yerusalem niŋ Al Kurunŋyen alya bereya goke teŋ metenŋ tiyeŋ yeŋ gor kweŋ tihim. <sup>26</sup> Masedonia nanŋaya Akaia nanŋaya bana niŋ Yesuyen alya bereya beŋ Yerusalem niŋ Al Kurunŋyen alya bereya haŋ bana goŋ det niŋ amu heŋ haŋ mar goyen faranŋ yurd yurd niŋ amanenŋ nurdeb hora yeranŋ geb, gago hora goyen yade Yerusalem kweŋ tihim. <sup>27</sup> Mel gobe faranŋ yurd yurd niŋ amanenŋ nuraŋ. Goyenbe fudinde gwaha yirtek po faranŋ yurde haŋ. Al Kurunŋyen gasunŋde niŋ det Yuda mar beŋ titiŋ goyen al miŋ hoyanŋ Yuda mar moŋ wor yeŋ hitte mat gab yawaramiŋ geb, goyen wolmiŋenŋ megen niŋ samuŋ beŋ faranŋ yurtek haŋ geb, gogo faranŋ yuraŋ. <sup>28</sup> Niŋgeb mel gore hulyanŋ niraŋ gayen pasi ireŋ. Irde Yerusalem mar goyen hora ga tumŋanŋ teke yenenbe gor mat Spein beŋ kweŋ. Kuŋ belenbe deŋ hitte forok yeweŋ. <sup>29</sup> Ne deŋ hitte kumekeb Yesu Kristu beŋ deŋya neya tumŋanŋ guram dirde saŋiŋ wor po diryeŋ yeŋ nurde hime.

<sup>30</sup> Be, kadne yago, nebe Al Kurunŋyen metenŋ teŋ heŋya metenŋ goke Al Kurunŋ gusuŋanŋ irde himyen. Niŋgeb deŋ wor neya dufay unŋkurenŋ po irde hugiŋenŋ tareŋ po Al Kurunŋ gusuŋanŋ irde hitte yeŋbe gago Doyanŋ Al Kurunŋniniŋ Yesu Kristuyen tareŋ hende huwarde gusuŋanŋ dirde hime. Holi Spirituyen saŋiŋde ne niŋ amanenŋ nurde haŋ geb, gago gusuŋanŋ dirde hime. <sup>31</sup> Gusuŋanŋ irde heŋyabe ne gayen Yudia nanŋare niŋ mar kura Yesuyen mere gama ma irde haŋ mar gore buluŋ nirtek belŋenmiŋ goyen Al Kurunŋ beŋ pet teŋ

tenj nin gusunaj irde hinayin. Irde Yerusalem nin Al Kurunyen alya bereya faranj yurd yurd nin nurde kunj meten tenj hej goyen mel gore igin nurnayin yen gusunaj irde hinayin. <sup>32</sup> Gogab Al Kurunyen dufay kenem den hitte aman dufay hende kwen, irde denya neya tumnanj sopte tarenj hetek. <sup>33</sup> Al binj yisikamke igin hej hej al Al Kurun belen den kurun goya tumnanj hinayin. Fudinde wor po.

## 16

### *Kadom nin yirin*

<sup>1</sup> Be, nebe Fibi nin momon diren tihim. Yenbe Senkria taunde nin Yesuyen alya bereya sios nin meten tenj hiyen. Yenbe Al Kurun dilinde nende hayninin wor po yara hitin. <sup>2</sup> Be, bere gayen kukeb Doyan Al Kurun nin tenbe gargar irnayin. Mata gobe Al Kurunyen alya bereya belen titek mata geb, gwaha irnayin. Irde faranj nin nurde hikeb den belen faranj urde hinayin. Yenbe al budam faranj yurde hiyen. Ne mananj faranj nurde hiyen geb, gago dinen hime.

<sup>3</sup> Prisilaya Akwilaya nin dufay hej himyen goke ire unya goyen momon yirnayin. Ire unya gobe meten kadne, Yesu Kristu nin meten tenj haryen. <sup>4</sup> Ire unya gobe ne faranj nurye yenbe kamde kamde nin ma nurde hinaryum. Ne po mon Yesuyen alya bereya hitin al minj hoyan Yuda mar mon wor tumnanj ire unyat meten goke igin wor po nurde hityen.

- 5 Yesu Kristuyen alya bereya sios, ire unya gote yare gabu irde hanjen mar goke wor dufay hen himyen geb, goke momon yirnayin.
- Irde kadne wor po Epainetus manan gwahade po innayin. Yenbe Esia nanja\* bana gon yen wa Yesu nurd unyin.
- 6 Maria wor gwahade po, ne belen yen ge dufay hen hime goyen innayin. Yenbe den ge ten meten taren wor po ten hiyen.
- 7 Irde nere minde nin al irawa Andronikusya Yuniasya goke dufay hen himyen goke momon yirnayin. Irem gobe neya tumnan koyare hinhet. Yenbe Yesu Kristuyen mere basan mar aposel buda kura bana nin yen nurd yunen hanjen. Yen wa Yesu nurd unke gab kame ne wor Yesu nurd unmirin.
- 8 Irde Ampiliatus nin wor dufay hen himyen geb, momon irnayin. Yenbe Doyan Al Kurunen dirin yen nurdeb yen ge amanen nurd unen himyen.
- 9 Be, Urbanusbe Yesu Kristu nin meten ten hiyen. Yenbe meten kadinin wor po. Stakis wor gwahade po, yen ge amanen wor po nurd unen himyen geb, ne belen yen ge dufay hen himyen goyen momon yirnayin.
- 10 Irde Ampeles wor ne belen yen ge dufay hen himyen goyen momon irnayin. Yenbe

---

\* **16:5:** Esia nanja gobe gayenter nin Esia nanja kurun goke ma yitin. Gayenterbe Turki inen hanjen.



Yesu Kristu gama irde henya kanduk yenen hinhin gega, bada ma hirin goke Yesu belen nigen al wor pobe gago yen kinyin.

Irde Aristobulusyen yare han mar goke wor dufay hen himyen geb, goke momon yirnayin.

<sup>11</sup> Nere minde nin al kura Herodion nin dufay hen himyen goyen momon yirnayin.

Irde Narsisusyen yare han mar nin dufay hen himyen goyen momon yirnayin. Mel gobe Doyan Al Kurunya han.

<sup>12</sup> Irde Trifinaya Trifosaya nin dufay hen himyen goyen momon yirnayin. Bere irawa gobe Doyan Al Kurun nin meten sanin wor po ten haryen.

Kadne wor po Persis nin dufay hen himyen goyen wor momon yirnayin. Yen manan Doyan Al Kurun nin meten taren wor po ten hanyen bere kurabe gogo.

<sup>13</sup> Irde Rufusya milinya nin dufay hen himyen goyen momon yirnayin. Rufusbe Doyan Al Kurun belen basin iryin. Milinbe mamne yara hitin.

<sup>14</sup> Irde Asinkiritusya Flegonya Hermesya Patorobasya Hermasyabe kadom wen mel goya han mar tumnan goke dufay hen himyen goyen momon yirnayin.

<sup>15</sup> Irde Filologus, Yulia, Nereus, irde Nereus hayminya, Olimp, irde Al Kurunyen alya bereya mel goya han mar goyen tumnan ne belen yen ge dufay hen himyen goyen momon yirnayin.

16 Denbe kadom pere gird ten hinayin. Mata gobe Al Kurun dilingde wukkekin dinyen. Gar nin Yesu Kristuyen alya bereya belen tumnan den ge dufay hen han goyen momon yirayin nina geb, gago momon dirde hime.

### *Saba funan*

17 Be, kadne yago, dufaytin bulun irde den bana bipti forok irtek al nin kenkela hen ga hinayin. Irde al kura saba hoyan dirde den saba nuramin goyen gama ird ird belnen pet ten duntek al goke wor kenkela hen ga hinayin. Al gwahade gobe yilwa po yirde hinayin. 18 Go mar gobe Doyan Al Kuruninin Yesu Kristu nin ma meten ten han. Yingen ge po nurde mata gogo ten han yen geb, gago dineh hime. Go mar gobe al kura mel gote mere goyen bulun yen bebak titek mon mar goyen hapek yan nurde fudinde yetek mat po usi mere yirde han.

19 Be, den belen Al Kurunyen mere gama irde han gote mere momontinbe al tumnan nurd pasi hen han geb goke amanen wor po nurde hime. Goyenpoga den goyen mata igin ten henya kenkela dufay hen ga ten hinayin. Irde mata bulunbe mata bulun ten ten dufay minmon wor po hinayin yen gago mere taren po dirde hime.

20 Be, al bin yisikamde hiyen al Al Kurun belen hen ga mon Satan gote sanin ten sina irke den belen ufurka tinayin.

Doyan Al Kuruninin Yesu Kristu belen den goyen buninen dirde igin igin dirde hiwon yen gusunan irde hime.

<sup>21</sup> Be, meten kadne Timoti belen den ge dufay hen hiyen goyen momon yirayin ninkeb gago momon dirde hime. Nere minde nin al Lusius, Yesonyabe Sosipaterya wor gwahade po.

<sup>22</sup> (Be, nebe Tertius. Pol belen ninke asan gago kan hime. Ningeb ne wor Doyan Al Kurun nin ten den ge dufay hen hime gake bebak dirde hime.)

<sup>23-24</sup> Be, Gaius belen den ge dufay hen hi goke bebak dirde hime. Yen belen ne Pol gayen gargar nirde hiyen. Irde Yesu Kristuyen alya bereya sios gar nin wor yen belen faran yurde hiyen.

Be, taun gate gabmanyen hora doyan ird ird marte doyan al Erastusya kadninin Kwartusya wor den ge dufay hen haryen goke momon dirde hime.

<sup>25</sup> Be, den hitte kun Yesu nin yitin mere igin goyen tagalde kun himekeya den goyen igin taren dirtek albe Al Kurun gog po. Ningeb Al Kurun goyen denem turnun yan irtek. Mere igin gobe damam damam banare hinhin geb, al belen epte ma bebak titek hinhin.

<sup>26</sup> Gega Al Kurun gwahader hitin gore mere basan marmen yinke asande kayamin goyen gayenterbe min kawan forok yitin han. Irkeb al min kurayen kurayen tumnan Yesu nin dufaymin taren irde meremin gama irde han. <sup>27</sup> Ningeb Al Kurun, yen po ga dufaymin wukkek goyen Yesu Kristu faran durkeb huginen denem turnun yan irde hitek! Fudinde wor po.

**Al Kurunyen Mere Igin  
The New Testament in the Gwahatike Language of  
Papua New Guinea  
Nupela Testamen long tok ples Gwahatike long  
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

---

PDF generated using Haiola and XeLaTeX on 3 Mar 2023 from source files dated 9 Oct 2020

dbba218f-41f3-5f08-b0b6-2a7c919093ab